



類苑叢寶

4加3
1493
22-18

五三三



門 加 3
號 1493
卷 22-18



類苑叢寶卷之三十七

飲食門



飯

周書黃帝始蒸穀為飯烹穀為粥 書惟辟王食言惟
 君為養食也 洪範八政一曰食大傳食者萬物之始
 人之所本者也 禮合文嘉燧人氏始炮生為熟人無腹疾
 白虎通王者所以四食者何明有四方之物食四時之功也四
 方不平四時不順有撤膳之法 王者食所以有樂何樂食天
 下之太平富積之饒也 食力無數庶人職在耕桑戮力勞役
 飢即食飽即作故無數 淮南子食者民之本也 揚子法言
 食如蟻衣如華蟻言精細也 呂氏春秋食能以時身必無灾

類苑叢寶卷之三十七

凡食之道無飢無飽是之為五藏之葆 墨子其為食也以增
氣充虛強體適腹而已矣 公孫尼子太古吮露精食草木實
聖人為飲食以通血氣 呂氏春秋伊尹說湯以至味曰凡味
之本水最為始火之為紀時疾時徐滅腥去臊除羶 凡食無
強厚飲必小咽端直無戾 說文凡食之屬皆從饔膳膳食也
饋餽稔也脩食飯也餽蒸飯氣也 禮運飲食男女人之大欲
存焉 詩民之質矣日用飲食 民之失德乾餼以僇言 一簞
食一豆羹得之則生弗得則死疇爾而與之行道之人弗受蹴
爾而與之乞人不屑也 孟子韓子堯之王天下也糲梁之食藜
藿之羹雖監門之養不厭於此矣

簞食

公羊傳魯昭公走之齊齊侯使高子執簞食與四

臠脯國子執壺漿曰吾寡君聞君在外餒饑未就敢致糗于從
者昭公再拜稽首以祗受食以禮 孔子食於少施氏而飽

曰少施氏食我以禮 子思居於衛緼袍無裏二旬九食田子

方聞之使人遺狐白之裘 **埃墮飯** 孔子厄於陳蔡從者七

日不食子貢以所賣貨告糴於野人得米一石顏回仲由炊之
埃墮墮飯中回取而食之子貢望見問曰仁人廉士窮改節乎

回曰改節即何稱於仁廉哉子貢告孔子子召顏淵曰疇昔夢
見先人吾將祭焉對曰有埃墮墮飯中欲置之則不潔欲棄之

則可惜回即食之不可祭也孔子曰然乎吾亦食之 **果欲往食**

子輿與子桑為友霖雨十日子輿曰子桑殆病矣晨飯往食之

食脫粟飯 晏子相齊衣十升之布食脫粟之飯 孫叔敖相

楚糲飯菜羹枯魚之膳 晉文公衣不重帛食不重肉國人皆

靡布之衣脫粟之飯 漢公孫弘為丞相食一肉脫粟之飯

班荆而食 楚伍舉將奔晉聲子將如晉遇之於鄭郊班荆相

食食貴於玉 蘇秦之楚三日乃得見王曰楚國食貴於玉新

貴於桂謁者難得見如鬼王難得見如天帝今臣食玉炊桂因

鬼見帝**不食盜食** 東方有士曰爰旌目將有適而餓於道狐

父之盜見而下壺餐爰旌目三舖而後能視曰子何為者也曰

我狐父之人也爰旌目曰汝非盜耶胡為而食我嘔之不出啗

喀然遂伏而死**存時絕粒** 范丹所居單陋有時絕粒聞里歌

之曰甑中生塵范史雲釜中生魚范菜蕪飯化為螺 石崇家

稻米飯在地經宿皆化為螺時人以為族滅之應拾飯粒啗

殷仲堪在荊州連年飢饉仲堪食常五碗盤餘有饑飯粒落席

拾以啗之雖欲率物亦緣其性真素也**合飯哺兒** 却鑿遭亂

窮餓鄉人共餉之鑿常携兄子外甥周冀二小兒會食鄉人曰

以君之賢共欲存君耳恐不能兼餉鑿於是飯箸兩頰還吐與

二兒**不過兄飯** 第五倫修行清白上曰聞卿為吏不過從兄

飯寧有之耶對曰臣生遭飢饉米石萬錢不敢妄過人飯**毋為**

設食 王僧虔引樂順之為主簿以同僚非人棄官去吏部郎

度景之嘗往候為設食唯枯魚菜蔬景之曰我不能食母聞之
自出常膳魚羹數種景之曰卿過於茅李偉我非郭林宗

共食 陽城為道州日炊米二斛魚一大鷲置杯杓道上共食

之衣冠而食 張安道平生未嘗不衣冠而食曰吾自布衣諸

止遭遇至此一飯皆君賜也享君之賜敢不敬乎 **食飽即張**

杜邠飲食供博既飽即寢人有諫非攝生之理公曰君不見布

袋盛米放倒即慢 **飲飲無人** 韓玉汝平生喜飭厨傳一

飲啖可無數人出帥長安錢穆甫行詞云吾廉頗之能飯玉汝

不悅 **唯堪家飯** 隋文帝謂賀若弼曰我以揚素高頰為宰相

汝言二人唯堪取飯何也對曰誠有是言上怒甚特令除名

落釜成糜

世說客詣陳太丘談鋒甚敏元方季方炊而竊聽

飯落釜中太丘問何不餽元方季方長跪曰大人與客語俱竊

聽炊忘著簞飯今成糜太丘曰爾頗有所識否二子俱說言無

遺失太丘曰如此成糜自可何必飯耶 **餅麻飯** 劉晨阮肇入

天台山二女邀過家一胡麻飯及山羊脯食之 **食屑飯** 唐太

和中有人遊嵩山迷路見一人枕一璞而眠因開璞兩裹皆

屑飯授與二人曰分食此雖不足長生一生無疾 **食鎗底飯**

宋陳遺少為縣吏母好食鎗底飯遺在役恒帶一囊每煮食輒

錄其焦貽母 **青泥飯** 石髓謂之青泥飯出太行山清異錄寶

曆元年内出清風飯制度賜御庖令造進又錄內載謝諷經有

越國公碎金飯食一石前秦錄符堅以乞活夏默為左鎮郎

胡人護磨那為右鎮郎唐人申香為拂蓋郎默等身長一丈八

尺並多力善射三人每食飯一石肉三十斤與語忘食尹敏

與班彪相厚每相與談常晏暮不食晝即至瞑夜徹旦孫安

國往殷中軍許共論往返精苦賓主遂至暮忘食孫盛嘗詣

殷浩談論對食奮擲塵尾毛悉落飯中食冷而復暖者致四至

暮忘冷理竟不定由是知名盤遊飯仇池筆記江南人好作

盤遊飯鮓脯膾炙無有不埋在飯下故里諺曰掘得窖子又羅

浮穎老取諸飲食雜烹之名骨董羹時陸道士出一聯曰投膠

骨董羹鍋內掘窖盤遊飯掘大不足志林昔有二措大

相與言志一云我平生不足惟飯與睡他日得志當飽喫飯飯

了便睡睡了便喫飯一云我則異于是當喫了又喫何可復睡

耶告襟俎南嶽僧名悟空其嶽西原近朱陵洞洞甚

險絕僧遊覽累日無幽不迹忽見前崖有道士坐繩床僧告饑

困道士起指石地曰此有米乃持斧劙石深數寸令僧採之得

陳米升餘即著於釜承瀑敲火煮飯勸僧食一口未畢道士笑

曰君殮止此可謂薄我當畢之遂喫更飯失笑噴飯文與可

以所畫筍簾谷竹遺東坡坡寄詩曰漢川脩竹賤如蓬斤斧何

曾赦籜龍料得清貧饒太守渭川千畝在胸中與可是日與其

妻遊谷中燒筍供晚食發函見予詩失笑噴飯滿案鍊天飯

留飯禮薄 見廣主 **與之簞食** 趙宣子見靈輒餓與之簞

食乞食 吳市 伍子胥夜行 伏吹竽乞食於吳市 **疑飯不等**

孟嘗君對客夜食有人蔽火光客怒以為飯不等輟食辭去孟

嘗自持其飯比之客慙自刎 **晨炊辱飯** 韓信常從南昌亭長

食亭長妻患之乃晨炊辱食信亦知其意竟絕去有漂母飯信

進麥飯 光武至潯沱河馮異進麥飯兔肩 **常食乾飯** 左雄

為冀州刺史常食乾飯 司馬苞為太尉常食漉飯 李固為

太尉常食麥飯

粥 廣雅粥糜饘也 釋名糜煮米使糜爛也粥濯於糜粥

然也 周書黃帝烹穀為粥 韻府粥稠者曰饘稀者曰

醢

黔敖待餓 禮記齊大饑黔敖為粥於路以待餓者而食之有

餓者蒙袂輯屣貿貿然來黔敖左奉食右執飲曰嗟來食揚其

目而視之曰予惟不食嗟來之食以至於斯也從而謝焉終不

食而死曾子聞之曰彼與其嗟也可去其謝也可食 **祈在濟貧**

昔有祝染者常遇歲饑施粥以濟四方之貧者後生一子初赴

試染夢一人手持狀元榜豎子門外上寫四字曰施粥之報未

幾有人報其子狀元及第 **聲聞數里** 尹吉甫仕至上卿其家

大富食口數百人時歲大饑曾鼎鑊作粥啜聲聞數里食訖失

三人乃在鑊中齧取焦粥而已 **口香七日** 金鸞密記白居易

在翰林賜防風粥一甌食之口香七日為客辦粥 石崇為客

作豆粥咄嗟便辦恒冬天得韭葷玉愷為搯腕乃密貨崇帳

下都督問所以都督曰豆至難煮唯預作熟客至但作白粥以

投之韭葷蓋是搗韭根雜以麥苗爾 **桃花粥** 洛陽人家寒食

食桃花粥 **祀蚕神** 齊諧記吳縣張成夜起忽見一婦人立于

宅南角舉手招成曰此地是君家蚕室我即此地之神明年正

月半宜作白粥泛膏於上以祀我已後年年大得蚕 **進粥三呵**

郭林宗嘗止陳國問學見童子魏德公知其有異德公求近其

房止供給洒掃林宗嘗不住夜中命作粥林宗一啜怒而訶之

曰高明為長者作粥使以不可食以杯植地德公更進粥三進

三呵德公無恙容顏色殊悅林宗曰始見子之面今乃知子之

心逐友善之年為妙 **歲荒粥** 任昉為義興太守歲荒散

私俸以米豆為粥活三千餘人 **白豆黃粥** 魏玉繼歲每薦羹

以羊兔猪參之盧澄為平章進粥三種曰粟粥乳粥豆沙加糖

粥厨官語曰王彘亥卯未相粥白玄黃 **典衣為粥** 秦少遊為

校勘錢穆父為戶部尚書皆居東華門少遊有詩云三年京國

鬢如絲又見新花發故枝日典春衣非為酒舉家食粥已多時

穆父以米二石送之 **以茶為粥** 茶錄吳人采茶煮之 **柳粥** 唐陽

城隱中條山歲饑屑榆為粥 **書昌羅粥** 異物志高昌僻土有

異於華寒服冷水暑啜羅閣 **柳粥** 唐帝建興四年京城

糧盡屑麴為粥以供帝食晉書 搜神記劉他筭家在夏口

忽有鬼來劉家喜偷食劉即於他家煮湯取二升汁密齎還家向夜舉家作粥食一甌因瀉葛汁著中於瓦上以盆覆之人

定後聞鬼從外來發盆咬糜既須更間在屋頭吐於此遂絕

粥却寒 武王伐紂雪深丈餘師尚父使人持一器粥開門而

進曰天寒故進熱粥以却寒齊書 陸續仕郡戶部吏時

飢荒太守尹興使續于都亭賦民饘粥續悉簡閱其人飢以名

氏六百餘人無有差謬興異之薄粥今歌 臧洪為袁紹所圍

糧食已盡主簿啓內厨米三斗使作薄粥衆分歆之晉書

揚廬侯趙章病淳于意診其脈曰迴風迴風者五日而死後七

日乃死曰其人嗜粥故中藏實實故過期漢書 左師觸龍見

趙太后曰食無衰乎太后曰恃粥耳前漢書 楚儵事母孝

及母卒哀思過禮毀病不自支世祖常遣中黃門朝暮送饘粥

曹褒遷將作大匠上聞褒病遣使致醫藥糜粥食時 吳

朱桓除餘姚長遇疫癘穀食荒貴桓分部良吏隱親醫藥食粥

相繼士民感戴之 蕭景為南州刺史會年荒計口賑恤又為

饘粥於路以賦之 三志天監初為丹陽尹時年飢每旦為粥

於郡門以賦百姓衆悉稱惠南史 韋肱字遵顯少有志業年十八

碭州主簿時屬歲餘肱以家粟造粥以飼飢人所活甚衆李

士謙過年飢多有死者士謙罄家資為之糜粥賴以全活者萬

計公叔文子卒其子成請謚於君君曰昔者衛國有難凶飢夫子為粥與國之餓者是不亦惠乎 王曾為吳郡內史其年大飢嘗出私財為百姓饘粥全活甚衆 晉書孔恒大作粥置門外呼飢人食之謂是嗟來皆無往食者 楊逸為光州刺史時災儉連歲逸欲以倉粟賑給詔聽貸五萬又於州門造粥飼之將死而得濟者以萬數 房景遠重然諾好施與以粥食餓者存濟甚衆平原劉郁行逕交境忽遇劫賊已殺十餘人次至郁郁曰與君鄉近何忍見殺賊曰鄉里親親是誰曰齊州主簿房景遠是我姨兄賊曰令其粥得活何得殺其親遂還衣服衆活者二千餘人 **食母餘粥** 張弘策幼以孝聞母嘗有疾五日

不食弘策亦不食母強為進粥弘策乃食母所餘 **天子食粥**

昭宗在鳳翔為梁兵所圍天子食粥昭宗謂後貞曰朕與六宮皆一日食粥一日食不托安得不與梁和平夜坐食粥 晉簡文集諸談士夜坐每自設粥 **進豆粥** 馮異事

羹 說文羹五味和也 廣雅羹謂之清 內則士不貳羹 裁庶人耆老不徒食 羹食自諸侯而下至于庶人無

等注羹與飯常日所食故無貴賤之等差

烹猴 淮南子楚有烹猴者而召其鄰人鄰人以為大羹而甘之後聞其猴據地面盡吐瀉其所食此未知味者 **以羹亡國** 戰國策中山君享士司馬子期在焉羊羹不徧子期怒走楚詭

王伐中山中山君亡有二人挈戈隨後問之曰臣父嘗餓且死君下壺殮哺臣之父故來死君也中山君曰吾以一椀羊羹已國以一壺殮得二死士

七寶羹 陳思王製馳蹄馬羹一甌千金號七寶羹

御羹 唐柳公權以蒲風紗書所作龍城記及八朝名品號錦標書以進上方御剪刀麵月兒羹即命分賜公

權甘密羹 李林甫子婚鄭平為戶部員外郎一日林甫就院省女因邀平見其鬢髮斑白謂平曰帝明日當賜甘露羹鄭郎共食此羹縱華皓亦必鬢黑明日果有中使至林甫第賜食曰以羹與平食一夕鬢復黑

雙暈羹 清異錄實儼嘗病目幾喪明良醫勸令頻食羊眼儼遂終身食之其家名雙暈羹世人有

呼為學士羹者

十遠羹 清異錄石耳石髮石線海紫菜鹿角菜天花蕈以魚海鱗白石決明蝦魁腊用雞羊鷄三汁和之十品不足聽闕之忌入別物恐倫類雜則風韻去矣

以羹遺母 穎叔考曰小人有母皆嘗小人之食矣未嘗君之羹請以遺之

不與羊羹 鄭伐宋宋將戰華元殺羊食士其御者羊斟不與焉及戰曰昔之羊羹子為政今日之事我為政馳入鄭宋師敗

續染指 楚人獻龜于鄭靈公公子公之食指動以示子家曰必嘗異味及入宰夫將解龜相視而笑公問之子家以告及食大夫龜羹召子公而弗與也子公怒染指於鼎嘗之而出

遺羹 樂羊圍中山中山人烹其子遺之羹樂羊食盡楮師贊

曰其子食之其誰不食羊下中山文侯賞其功而疑其心

相識 殷淳子孚嘗與侍中何勗共食勗無忌子也孚羹盡勗

云益殷尊羹孚徐輟筋曰何無忌諱 **千里尊羹** 王武子有數

斛羊酪指以示陸機曰卿東吳何以敵此陸云千里尊羹末下

監豉 千里才 **雜** 彭鏗和滋味進雉羹于堯伊尹烹鵠鳥

之羹以事湯 紂怒熊羹不熟殺庖人 **羹中生所** 韓子昭僖

侯之時宰人上食而羹中生肝焉昭侯召宰人而謂之曰汝何

為置生肝羹中宰人曰竊以為有欲去上食宰者 **食盡毋羹**

齊書朱緒無行母病積年忽思菘羹妻買菘為羹緒曰病後

安能食先嘗之遂食盡母怒曰我病欲此羹如何啖盡瓦若有

知令汝噎死緒聞心中介介然即吐血明日而死 **前翻羹**

梁書蕭勳為廣州刺史性率儉而器度寬裕左右嘗將羹正胸

前翻之顏色不異徐呼更衣 **須肉為羹** 魏元忠前後三坐棄

市偶得不死復舊官因侍宴后曰卿累謗錄何邪對曰臣猶康

也羅織之吏如獵者苟須臣肉為之羹爾 **五味羹** 晉平公問

於叔向曰昔者齊桓公九合諸侯一匡天下不識其君之力乎

其臣之力乎師曠侍曰臣請譬之以五味管仲善斷割之隰朋

善煎熬之賓胥無善劑和之羹以熟矣奉而進之而君不食誰

能彊之亦君之力也新序齊公曰和與同異乎晏子曰異詩曰

亦有和羹既戒既平先王之濟五味和五聲也以平其心成其

政也以水濟水誰能食之**聚羹投漿** 太宰子朱侍於令尹子

國子國毀羹而熟投漿而沃之明日子朱辭官曰令尹輕行而

簡禮其辱人不難淮南**杯羹二萬** 李德裕奢侈食每一杯羹

其費約錢二萬雜珠玉寶貝雄黃朱砂煎汁為之過三煎即棄

其滓**猴頭羹**臨海志民皆好啖猴頭羹雖五肉臠不能及之其

俗言寧自負人千石之粟不願負人猴頭羹不錄羹 嶺表錄

異交趾之人重不錄羹以羊鹿鷄猪肉和骨同煮令極肥濃

漉去肉進之葱薑調以五味**象鼻羹**北戶錄循州雷州產黑

象牙小而紅土人捕之爭食其鼻云肥脆偏堪為羹王國為雁

九真太守陶璜立郡築城土穴中得一白色形似蚕蛹無頭長

數十丈大餘圍軟軟動莫能名肉如猪豚遂以為臠甚香羹瑣

啖一杯三軍盡食**賜羹羹**史紀五月五日為集羹賜百官以

惡鳥故食之**錦帶羹**荆胡間有錦帶春末花紅白如錦苗嫩

脆杜詩香聞錦帶羹**玉糝羹**東坡曰過子忽出新意以山芋

作玉糝羹色香味皆奇絕作詩云莫將南海金齏膾輕比東坡

玉糝羹 取飲食雜烹之名骨董羹御手調羹 李白事不二

羹 柳玭家戒先君兄弟三人皆居清列非速客不二羹哉

夕食斷葡萄而已皆保重名真羹漢高祖微時嘗與客過

其丘嫂食客益羹嫂厭叔伴為羹盡羹其釜高祖怨其嫂及為

帝封其子為憂羹侯或問帝曰其母不長者**龍羹**漢元和元

年大雨有一青龍墮宮中帝命烹之賜羣臣龍羹各一杯

餅

釋名餅并也搜麥麵使合并也 說文餅麵食也 方

言餅謂之飪或謂之饊或謂之餽 餅餌間談餅麵饗也八臚熬者名熬餅亦曰燒餅入籠蒸者名蒸餅亦曰饅頭入湯烹之名湯餅亦曰濕麵曰不托亦曰傳飪入胡麻著之名胡餅又曰麻餅其他餲餅餠餅環餅餠餅以豆屑稊糖為之環餅所謂寒具是也

買餅大售

漢書宣帝微時每買餅所從買家輒大售亦以自

恠好食胡餅

靈帝好胡餅京師皆食胡餅董卓擁胡兵破京

師之應

石勒諱胡改名胡餅曰搏鱸石虎改曰麻餅饊餅

筍

光武微時常以事拘新野樊擘為市吏饋餅一筍帝不忘

乃賜御服食乘輿衣物因戲之曰一筍餅得都尉何如擘頓首

辭謝 光武問第五倫曰聞卿為市掾有人遺卿毋餅一筍棄

還之母食餅遂探口餅出之信有之乎對曰實無此事衆人以

臣愚蔽故為此言也 **惠餅充饑** 王歡耽學貧窶或人惠蒸餅

一顆以充一日妻子常有菜色 **十字餅** 何曾性豪奢每燕見

不食太官所設帝輒命取其食蒸餅不折作十字不食食日萬

錢猶曰無下箸處 **四片果蒸** 齊明帝儉約太官進食有果蒸

甫之選擇當是未饑命左右撤之使者大慙 李英公為相有
鄉客過宅為設食客去餅緣公責之客大慙 鄭澣以儉素自
居為河南尹召甥姪會食有蒸餅鄭孫去其皮而食之澣大怒
曰皮之與中何以異也目引手取所棄者盡食焉 **細包餅**
劉晏五鼓入朝時天寒中路見賣蒸胡餅處熱氣騰輝使人買
之以袍袖包而啗之謂同列曰羨不可言 揚國忠入布衣袖
中盛胡餅 **縮葱餅** 侯思正食籠餅必令縮葱加肉脯縮葱
侍郎籠餅即今饅頭 **半臂易餅** 玄宗王皇后愛弛不自安後
承問泣曰陛下獨不念阿忠說紫半臂易麵為生日湯餅耶帝
為之惘然改容何忠者后呼其父仁岐去 **消火餅** 僖宗幸蜀

乏食有宮人出方巾所包麵半斤許會村人獻酒一提偏漫麵
燂餅以進嬪嬙泣奏曰此消災餅乞強進半披 **補天穿** 拾遺
記江東俗正月二十四日為天穿日以紅縷繫煎餅置屋上謂
之補天穿 **拭刀** 唐肅宗為太子時上使割羊臙以餅拭刀徐
敬之上喜曰保福祿當如此愛惜 **捲餅** 歸田錄晏元獻清瘦
如削每折半餅以筋捲之抽筋就內捻頭一莖食之此亦異於
人也 **珠易餅** 賀知章嘗謁賣藥王老問黃白術持一大珠
遺之老人得珠即令易餅與賀食賀心念寶珠何以市餅口不
敢言老叟乃曰怪吝未除術何由成 **恨餅** 見夫婦 **不唱渭城**
見高賈 **武惠妃** 生日上與諸公主按舞於萬歲樓

下見衛士食畢以餅餌棄水竇中上天怒命高力士杖殺之寧
王從容謂上曰窺見衛士之過而殺之恐人臣不自安又失大
體陛下志在勤儉愛物性命至重重於踐殮者乎上蹶然大悟
遽赦之集韻揚瑤光歷沔綏二州刺史姆饋其子以餅
妻為受而棄之垣外人浴其廩**王英粉** 有道人持湯餅語人
曰此王英粉食之七日當羽化**北海取餅** 趙岐避難至北海
於市中取胡餅孫嵩乘犢車入市見岐疑非常人問曰自有餅
耶曰取之嵩曰買幾錢賣幾錢岐曰買三十賣亦三十嵩曰視
處士之狀非賣餅者乃開車後載還家撰木餅 交趾有穰木
其內有白米屑就水淋之如麵可作餅躡地餅 晉書王長

文字德歆州辟別駕佯狂不諧乃躡地齧胡餅州知不至乃止
也有鬼撰餅 集異記劉登路經冢邊過聞冢中索餅劉即回
家辨之來置冢邊有十餘鬼皆焦頭來摸餅僧坐餅 幽明
錄姚弘叔父紹召胡僧問以休咎僧乃求麵為大胡餅形經一
丈僧坐在上先食正西次食正北又次食正南餘卷而吞之訖
便起去了無所言是歲五月楊盛大破姚軍於清水九月晉師
北討掃定潁洛明年遂帝捲豐鎬生擒泓焉棗糕 藝苑雌黃
寒食以麵為糕若蒸餅樣以棗拊之名棗糕花糕 趙宋九日
以兔糕法酒賜以臣不忍食糕 嘉話錄表師德給事中高之
子也九日出糕謂坐客曰某不忍食糕悅首者久之以父名高

故耳

食物

說文脩雜肉也臄漬肉也臄宗廟熟肉也 穀梁傳
脰者俎實祭肉也生曰脰熟曰臄蓋社肉也 禮記

窮口腹之欲不能反躬天理滅矣 呂氏春秋肉之義者猩猩
之脰 七命封熊之掌翰音之距燕髀猩唇鬣殘象白 孟子

魚我所欲熊掌亦我所欲也 左傳享有體薦宴有折俎 周

禮食醫掌和王之六食六飲六膳百羞百醬八珍之齊凡和春

多酸夏多苦秋多辛冬多醢調以滑甘凡膳膳食之宜牛宜稌

宜黍宜稷宜粱宜麥宜苽宜蕡凡君子之食嘗放焉

列鼎而食

家語子路南游於楚列鼎而食

能儲不穀晉靈

公使宰夫臠熊蹯不熟殺之

食惟一肉

公孫弘為丞相食惟

一肉

朱博廉儉自微賤至富貴食不重味按上不過三杯羹

知食物

曹元理善美術嘗詣陳廣漢設食甚薄廣漢曰有倉

卒客無倉卒主人元理以七箸羹曰俎上蒸豕厨中荔支何不

設廣漢大驚

西京雜記

趙達嘗過知故取盤中隻箸從橫之乃言卿

東辟下有美酒一斛又有鹿肉三斤何以辭無

吳志

五侯鯖

五侯不相能賓客不相往來妻護豐辯傳會五侯間各得其歡

心競致奇膳護乃合以為鯖

西京雜記

世稱五侯鯖以為珍

西京雜記

禁齋

晉元帝始鎮建業每得一豚以為珍膳項上一齋尤羨輒以薦

帝群下未嘗敢食時呼為禁齋肉

齊王之會

齊王蕭歸魏初

不食羊肉及酪漿常食鯽魚羹渴飲茶茗汁高帝曰羊肉何如
 魚羹茶茗何如酪漿肅曰羊陸產之最魚水族之長羊比齊魯
 大邦魚比邾莒小國惟酪不中與茗作奴彭城王勰曰卿不重
 齊魯大邦而愛邾莒小國明日為卿設邾莒之會亦有酪奴因
 呼名茗為酪奴**謝安獨食**北齊崔瞻為侍御史在臺宅中送
 食備盡珍羞別室獨食有一御史姓裴伺瞻食便造焉瞻不與
 交言又不命匙筋觀瞻食罷而退明日自携匙筋恣情飲數瞻
 曰我初不喚君食又不與君語遂能不拘小節昔劉毅嘗請鵝
 炙豈亦異是君定奇士每與同食**御史食鵝**馬周每行郡縣
 食必進鵝小吏訟之帝曰我禁御史食肉恐州縣廣費食鵝尚

何與榜吏斤之

孟康萬錢

韋陟性奢侈於饌羞尤為精潔每

食畢視厨中所委棄不啻萬錢之直

唐裴冕性豪侈每廣會

賓客不能名其饌爛蒸葫蘆

鄭餘慶與人會食日高衆客皆

餒呼左右曰爛蒸去毛莫拗折項諸人相顧以為必蒸鵝鴨良

久就餐每人前下粟米飯一碗蒸葫蘆一枝餘慶餐義諸人強

進而罷**檀食**

杜鎬為龍圖學士真宗問檀食原於何代鎬曰

漢文帝鍾愛太子曰太子之食必將殃勝乃命大官兵具兩擔

橫以賜之此其始也**食必盡**

查道為待制每食必盡一膳

度已不勝則不下筋雖蔬茹亦然常曰福當如是惜**食一桶**

張齊賢嗜肥猪肉罷相知安州厨吏置一大桶視公所食如其

物投桶中至暮浸漬滿桶嗜好文王嗜昌歠曾括嗜羊

棗 屈到嗜芟 伯有嗜酒 公儀嗜魚 羲之嗜牛心炙雞

嗜 呂氏春秋齊王食鷄必食其跖數十而後足也猪肝 閔

仲叔居安邑家貧不能置肉日買猪肝初不食肉 李泌初不

食肉肅宗強詔食肉 楊收字載之以母奉浮圖法自幼不食

肉母約曰爾得進士第可食 唐歸登性甚慳嗇常爛一羊脾

旋割旋啖封其殘者一日登妻誤于封處割食登大怒由是其

妻沒身不食肉設脯 國語楚成王聞子文之朝不及夕也

於是乎每朝設脯一束糗一筐以羞與之辨麟脯 王方平與

麻姑至蔡經家共設肴膳辨麟脯而食之赤明香 仇士良家

脯名也輕薄甘香殺紅浮脆後世莫及牡丹鮮 吳越人以魚

乘開成牡丹狀既熟出盎中微紅如初開牡丹謂之玲瓏牡丹

鮮膾炙 江南人喜作膾名即官膾 謝諷食經有天孫膾飛

鸞膾咄嗟膾 廣陵法曹宋龜造縷子膾 雜俎南孝廉者善

斫膾殺薄絲縷輕可吹起因會客術技忽暴風雨雷震一聲膾

悉化為蝴蝶飛去南驚懼遂折刀不復作 將軍曲良翰作驢

馱駝峯炙 食經有龍鬚炙 唐睿宗以逍遙炙賜金仙玉真

二公主 杜陽編上賜同昌公主消靈炙 唐韋巨源食帳有

昇平炙 段成式馳獵饑甚叩材家主人老姥出茹臠五味不

具成式食之有踰五鼎曰老姥初不加意而味殊美如此自後

令庖人具此品因呼為無心炙 飲食有杏炙鼈炙

鹽醬

說文東方謂之斥西方謂之鹵河內謂之醎然其類有二或引池而化周官所謂監鹽也今謂之顯鹽或煮海煮井及煮醮而成周官所謂散鹽也今謂之末鹽又會要青州鹽出于東海鹵薊大同橫野有鹽地其鹽出于北海嶺南鹽出南海劔南西川鹽出于井永康軍鹽出于岸井并州鹽出于池是為鹵地胡中鹽出于木又有出于石西夏鹽有池其色青青清異錄醬為八珍主人 周禮鹽人掌鹽之政令祭祀共其苦鹽散鹽賓客共其形鹽散鹽王之膳羞共飴鹽苦鹽刮地之鹽取其成于自然散鹽熬波之鹽形鹽虎形鹽也飴鹽鹽之甜

者 廣志海東有印成鹽西方有石子鹽此胡有青鹽五原有紫鹽波斯國有白鹽如石河東有大鹽

大旱生鹽

晉幽公三年大旱地生鹽唐始推鹽 推鹽起於

弟五琦及劉晏代其任法愈精密鹽醴當天下大半之賦狼毒

井

陵州井乃東漢張道陵所開曰狼毒井有毒龍藏井中及

鹽神玉女二十為崇天師以道力驅出毒龍禁玉女子井中然

後人獲鹽泉之利賜鹽周來 吳志朱桓卒家無餘財孫權賜

鹽五千斛以周喪事 貨鹽自供 郭文隱居大辟山中著鹿裘

葛巾不飲酒食肉區種菽麥採草葉木實買鹽以自供人或酤

下價者亦即與之 喪不食鹽 崔慰祖父喪不食鹽母曰汝既

無兄弟又未有子息毀不滅性如何去鹽吾今亦不食矣慰祖
不得已從之 梁張弘策丁母憂三年不食鹽 此齊房景伯
母亡居喪不食鹽菜因此遂為水病積年不愈 **靈慶地** 韓滉
判度支方是時潦敗河中鹽澆麥地產瑞鹽此土德之瑞帝遣
諫議大夫蔣鎮廉狀鎮畏濕還乃賀帝且請置祠號寶應靈慶
池 **李晟既薨城鹽州復故池以新鹽賜宰相帝思**
晟乃致鹽靈座 **杜中立為義武節度使舊徭車三千**
乘歲輓鹽海瀕民苦之中立置飛雪將數百人具舟以載自是
民不勞軍食足矣 **火井** **臨邛火井諸葛亮往視之後火**
益盛以盤貯水煮之則鹽後人以火投井中火即滅至今不然

鹽

姚彪至武昌遇風與沈珍守風糧盡珍從姚彪貨

鹽彪覆百斛于長江曰明吾不惜鹽惜所與耳 **水精** **劇賓**

國產水精鹽明如水晶琢之為鹽以水濕之可和肉食 **宿沙氏**

黃帝時有諸侯宿沙氏始以海水煮乳煎成鹽其色有青紅白

黑紫五樣鹽之作自此始 **與膠高** **膠鬲遭紂之亂隱居賣鹽**

為業文王聞其賢舉以為相孟子曰膠鬲與子魚鹽之中 **幹山**

海 管子齊桓公問何以為國管子曰惟幹山海可耳海王之

國謹正鹽筴凡食鹽之數一月丈夫五升少半婦人三升少半

嬰兒二升少半君伐菹薪煮泔水為鹽以籍於天下公乃使糶

之得成金萬斤幹管也專主之也 **與平人益** **食貨志武帝財用**

匱竭孔僅東郭咸陽人言山海天地之藏願募民因官器作鬻

鹽官與牢盆金雜俎昫縣鹽井有鹽方寸中央隆起

如張傘名曰傘子鹽大寧飛朝野雜記大寧之井醜泉出

于山竇有如飛瀑民間分而引之販第五倫自以為

官不達遂將家屬客河東變姓名自稱王伯齊載鹽往來於太

原上黨所過輒為糞除而去李林甫少年販鹽為生後事唐

賈似道販鹽百艘至臨安賣之太學生有詩曰昨夜江頭長碧

波滿船都載相公醜雖知要作調羹用未必調羹用許多火州

鹽古車師國今名火州其產鹽赤者如朱白者如玉陸

雜俎昆吾陸鹽周十餘里無水自往末鹽月滿則如積雪味甘

月虧則如薄霜味苦搯大醜侯景陷臺城宴集其黨又召

僧通取肉搯搯以進景問曰好不景答所恨大醜僧通曰不醜

則爛及景死王僧辨截其二手送齊宣又傳首往江陵果以鹽

五斛置腹中送于建康君王雜俎白鹽厓有鹽如水精名

君王鹽玉華胡中有鹽瑩澈如水晶謂之玉華鹽五色

按鹽有赤鹽紫鹽黑鹽青鹽黃鹽亦有如虎如印如繖如石如

水晶狀者此此狄有青鹽五原有紫鹽天竺國有黑鹽于闐

國有紅鹽張掖西北琴湖池有桃花鹽色如桃花鹽花山

龍巢山旁有鹽池水色白上有紫菱四邊青泥十一月中池左

右十餘里地草上如霜彌日不汁嘗之乃鹽味謂之鹽花山鹽

枕 高昌國出赤鹽白鹽其形如玉高昌人取以為枕以二顆
 貢之中國顆大如斗 **三色鹽** 鹽山二岳三色為質赤者如丹
 黑者如漆小大從意鑊之寫物作獸辟惡佩之為吉戎鹽可以
 療病 **雜醬** 唐蒙風曉南越食蒙以菹醬本草菹醬似王瓜實
 似桑椹皮黑肉白食之下氣消穀 白虎通榆莢醬曰醃 唐
 世風俗貴重葫蘆醬 西王母云神藥上有連珠雲醬王津金
 醬中有元靈之醬 七發有芍藥之醬 神仙食經有十二香
 醬 晉武帝與山濤魚醬一斗 梁劉孝儀有謝賜蝦醬啓
 祿山進鹿尾醬于明皇 朱登為東海相遺張敞蟹醬 交州
 記南方用蠟作醬 周書伊尹受命於湯賜鯉鯽之醬 風俗

通醬成於鹽而醎於鹽 又云雷不作醬雷聲發佐醬今人腹
 內雷鳴 桓階為趙郡太守俸盡食醬粹上聞之戲曰卿家醬
 頗得不減耶 王晏外弟阮孝緒知晏必敗嘗食醬羨問得于
 晏家遂吐而覆之及晏敗孝緒得免 桓譚新論鄙人有得脰
 醬而羨之及飯惡與人共食即少唾其中而共者因涕其醬遂
 棄而俱不得食焉彼亡

油

黃帝得河圖書晝夜觀之乃令力牧採木實製造為油
 以綿為心夜則燃之讀書油自此始 博物志積油萬
 石則自然生火

滅油滅火

沈約年十三而遭家難潛窟會赦乃免既而流寓

孤貧為志好學晝夜不釋卷毋恐其以勞生疾常遣減油滅火

積油二百 梁張纘為湘州刺史境大寧晚好積聚多寫書數

萬卷有油二百斛米千石**油灌髮** 宮人患腰痛牽心發則

氣絕徐文伯視之曰髮癢以油灌之吐物如髮引之長三尺頭

已成蛇能動懸之滴盡唯一髮**許游漆油** 許游為郡守廳前

有一古墓命徙移他處開塚見一大缸中有燈火其油將盡缸

上有字曰許游許游與汝何仇五百年後為我漆油許即買油

注滿仍以土覆之**猛火油** 五代周時占城國貢猛火油洒物

得水則出火**權油** 唐李茂貞在鳳翔權油城門禁納松明或

曰請并月明禁斷**鮮出油** 宋薛簡肅公在東京尚嚴人謂薛出

油後知城都隨俗游嬉自號薛春遊欲換前稱也**錢孔酌油**

陳堯咨射於家園有賣油翁曰但手熟爾因取錢覆葫蘆徐

以杓酌油入而錢不濕曰我亦手熟爾**龍油** 龍油入水

不濡有龍油故也**脂膏** 說文戴角者曰脂無角者曰膏 玄

中記東海有樹名為白蒙其汁可為脂色白味甘 又云荊州

有樹名烏白其實如胡麻子搗其汁可為脂其味亦如猪脂

蜜 西王母曰太上之藥有中華紫蜜雲山朱蜜 仙經云

蜜為衆口芝 墨子云蜜為百花醴 張璠云蜜蜂以

無採為味 苑子云隴西天水出白蜜價直四百 風俗記云

有虵拱居身靈生息挹採衆華以釀甘澤自然神化窮真妙極

本草石蜜一名石飴 異物志蜜母小鳥也色黑正月且與
蜜蜂同行未安處也

甘蜜報吳 吳越春秋越以甘蜜九橫報吳增封之禮賜

東觀漢記光武微時嘗與朱佑共買蜜合藥後即位賜佑白蜜

一石曰何如長安買蜜 陶弘景脫朝服掛神武門上表辭祿

勅所在月給後冬五斤白蜜二斤以供其服餌

新安太守郡有蜜嶺及揚梅為太守所採訪以冒險多物故即

時停絕**蜜巖** 傳昭為臨海太守郡有蜜岩前後太守皆自封

固專收其利昭乃教勿封 **西域** 西域康者生兒以石蜜啖之

置膠於掌欲長而甘言持璠若黏云 仲雲國其食粳沃以蜜

酒

說文酒就也所以就人性之善惡也 一曰造也吉凶所起
造也 釋名酒酉也釀之米麴酉澤而味美也亦言取也

能否皆疆相取待飲之也 酒經空桑織飲醞以稷麥以成醇

醪酒之始也烏梅女魏恬醪九投澄清百品酒之終也 說文

醪酒母也醴酒一宿熟也醪汁滓酒也酎三重之酒也醕薄酒

也醕舊酒也 **醕音** 春秋緯九黍為酒陽摠陰乃能動故以麥釀

黍為酒 周禮酒正掌酒之政令以式法授酒材辨五齊之名

一曰泛齊二曰醴齊三曰盎齊四曰醕齊五曰沈齊辨三酒之

物一曰事酒二曰昔酒三曰清酒 韓詩曰夫飲之禮不脫履

而即序者謂之禮既而上坐者謂之宴能飲者飲之不能飲者

已謂之醜齋顏色均衆寡謂之沈閉門不出者謂之酒故君子
可以宴可以醜不可以沈不可以酒 漢食貨志酒者天之美
祿帝王所以順養天下享祀祈福扶衰養疾 春秋說題辭酒
之言乳也所以策身扶老 秦子今人知涉川必溺而忘酒醴
之荒性 禮記君子之飲酒也受一爵而色洒如也二爵而言
言三爵而油油以退 月令孟冬乃命大酋秫稻必齊麴蘖必
時湛熾必潔水泉必香陶器必良火齊必得兼用六物大酋監
之大酋酒官之長也 左傳酒以成禮不繼以淫 詩釃酒有
藇 君子有酒多且旨 酒既和旨 有酒湑我無酒沽我
旨酒思柔 既醉以酒 書荒腆于酒 越庶國飲惟祀德將

無醉 若作酒醴爾惟麴蘖 無彛酒 易需于酒食貞吉
濡其首亦不知節也

儀狄

禹時儀狄始作酒醪變五味儀狄宋人 少康作秫酒

杜康

古之善造酒者以酉日死故酉日不會賓客 **白頭** 晉

河東人劉白頭喜釀酒飲者醉不能醒永熙中青州刺史毛鴻
賓賣酒之藩逢盜劫酒飲之皆醉被擒曰名擒姦酒 **集章** 善

釀酒革死王績追述其法以為酒經 **九醞酒**

漢制以正月旦

造酒八月成名曰九醞 **上尊酒**

漢賜丞相上尊酒糯米一斗

為上尊 **從事督郵**

桓温有主簿善別酒好者謂青州從事惡

者謂平原督郵青州有齊郡飲好酒直至臍下平原有萬縣飲

惡酒停于胸膈之上 **葡萄酒** 漢大宛國造葡萄酒 **桑落酒**

晉時羌人來獻桑落酒故九日賜百僚飲蓋桑落河出馬乳酒

羌人無葡萄酒來獻河中桑落坊有井每至桑落時以井水釀酒

甚佳故名一云廬山有桑落洲 **千日酒** 劉玄石善飲或飲以

千日酒歸醉不醒以為醉死葬之與酒者往諭其家共發冢示

之至日忽醒而起無恙 **十年酒** 龍城錄隋煬帝造玉薤酒

不敗 **斗酒學士** 王績待詔門下省故事官給酒三升或問待

詔何樂答曰美醞三升差可戀耳侍中陳叔達聞之日給一斗

號斗酒學士 **步兵校尉** 阮籍聞步兵厨營人善釀有貯酒三

百斛乃求為步兵校尉 **曾酒書** 楚宣王朝諸侯魯恭公後至

而酒薄宣王怒乃發兵與齊攻魯一日魯與趙俱獻酒於楚王

王主酒吏求酒于趙趙不與吏怒乃以趙厚酒易魯薄者獻之

楚王以趙酒薄遂圍邯鄲 **淮南宣王與齊攻魯梁惠王常欲擊**

趙而畏楚楚以魯為事故梁得圍邯鄲 **聖人賢人** 徐邈

仕魏為尚書郎時禁酒而邈私飲沉醉趙達問以曹事邈曰中

聖人達白之太祖怒鮮于輔進曰醉客謂酒清者為聖人濁者

為賢人邈偶醉言耳後文帝幸許昌問邈曰頗復中聖人否邈

曰昔子反斃於殼陽御叔罰於飲酒臣嗜同二子不能自懲時

復中之帝大笑 **君子小人** 醉鄉日月記九酒以色青味重為

聖色如金而醇苦者為賢色黑而味酸醜者為愚以家醪糯釀

醉人者為君子以家醪黍釀醉人者為中人以蒼膠黍釀醉人者為小人

趙廣漢 葉法善居玄真觀嘗有朝士詣之解帶淹留滿坐思酒忽有一美措大傲睨直入稱趙秀才年二十餘肥白可觀笑揖諸公未席抗聲華論良久暫起法喜曰此子突入詞辯如此豈非魁魁為感侯其復至密以小劍擊之應手墜于階下化為瓶榼一座驚悸還視乃一瓶醴醕成笑飲之其味甚佳曰麴生風味不可忘

開元 **趙廣漢** 趙廣漢為京兆突入博陸侯霍禹第門索私釀酤推破壚罌斧破門關 蜀簡雍性簡傲時天旱禁釀吏於人家索得釀具者欲罰雍見男女行道謂先主曰彼人欲行淫先主曰何以知之對曰彼有其具先主

大笑而原欲釀者滑稽皆此類

長水校尉孫季舒 石崇酣燕慢傲過度康欲表免之裴楷聞之謂崇曰飲人狂藥貴人正禮不亦乖乎

盛采 棟姐蜀後主有桃核二扇盛水五升良久成酒能醉人更互貯水以供其宴

唐憲 宗採杏花釀換骨醪晉國公平准西以黃帕封金瓶遠賜二斗

崑崙 魏賈珩有奴善別水常乘舟於黃河中流以匏瓢接河源水七八升經宿色如絳以釀酒名崑崙觴芳馨絕妙

唐憲 唐憲宗謂左右曰李絳之骨體真宰相也賜醪醪酒醪醪異人錄魏左相能治酒其名有醪醪翠濤常以大瓮貯之十年味不敗十日醉不醒

清異錄 酒不可襍飲

飲之雖善酒者亦醉乃飲家所深忌宛葉書生胡适冬至日延
客以諸家群遺之酒為具席半客恐私相告戒造疑而問之一
人曰某懼君家百氏漿百氏漿汝陽王璿家有酒法號甘露
經四方風俗諸家材料莫不備具逐風隨日淮南子東風至
而酒沈溢注東風震方也酒沈清酌酒也米物下沈水味酸東
風入酒故下而沈者沸又李淳風曰今酒初熟瓮上澄清常隨
日轉朝則清在東午在南日落在西夜半在子和勁宋唐子
西在惠州名酒云和者曰養生主動者曰齊物論揚誠齋名酒
之和者曰金盤露勁者曰椒花雨嘗曰予愛椒花雨甚于金盤
露意蓋有為也顧建康宋書顧憲之為建康令清儉強力為

瓮宮大成

清異錄雍都酒海也其味有不同梁奉常和泉病

子甘劉拾遺

玉露春病于辛皇甫別駕慶雲春病于醜光錄大

夫致仕韋病取

三家酒擾合澄嘗飲之遂為雍都第一名藝營

集大成

洞庭春 安定邵王以黃柑釀酒名曰洞庭春色其

酒色香味三絕

唐人名酒以春如富水春若下春土密春石凍

春松醪

春竹葉春梨花春羅浮春甕頭春麴米春拋青春等是

也

狂司馬 謝奕為桓温司馬謂之方外司馬因以酒逼温温

走入南康主門避之主曰君若無狂司馬我何由得相見奕遂
携酒就廳事引温一兵帥共飲曰失一老兵得一老兵亦何所

怪温亦不之罪

後周文帝時處士韋愛養高不仕辟

之不能屈明帝即位乃為詩貽之愛得詩願時朝謁帝大悅救

有司日給河東酒一斗號曰逍遙公連月不醒 晉王忱字元

達坦之子也性嗜酒一飲連月不醒每曰三日不飲便覺精神

不相親婦父嘗有慘怛乘醉而之被髮裸身而入統之三匝而

出枕自號上頓諶以大飲為上頓起自枕也 孔顛為江夏內

史雖醉日居多而明曉故事衆云孔公一月二十九日醉勝他

人二十九日醒也終日不醉 邴原辭家求學八九年間酒不

向口至陳留則師韓子助穎川則宗陳仲弓汝南則交范孟博

涿郡則友盧士幹臨別師友以原不飲酒會米肉送原原曰本

能飲酒但以爲思廢業斷之今當遠別可盡飲終日不醉 酒中

趣 孟嘉飲酒愈多不亂桓温問酒有何好而卿嗜之嘉曰公

未得酒中趣耳 醉遺冠 齊桓公飲酒醉遺其冠恥之三日不

朝管仲曰此非有國之恥也公胡不雪之以政公曰善日設倉

賜貧窮論國出簿罪處三日而民歌之曰公胡不復遺冠乎

八斗方醉 山濤飲酒至八斗方醉帝欲試之以酒八斗飲之

密益其酒濤極本量而止 祝賜酒量 宋王審琦不能飲太祖

宴後苑祝曰酒者天之美祿何惜不令飲之祝已謂審琦曰天

必賜卿酒量試飲之乃連飲十數爵自此朝宴必滿引歸私第

即不能飲 偷飲不拜 世說鍾毓鍾會以有令譽其父晝寢曰

共偷酒飲之時父覺且託寐以觀之毓拜而後飲會飲而不拜
父問其故毓曰酒以成禮不敢不拜問會會曰偷酒非禮所以
不拜 **拍浮酒船** 畢卓嘗謂人曰給酒滿數百斛船四時甘脆

置兩頭左手持蟹螯右手持酒杯拍浮酒船中便足了一生矣

斷酒物

晉吳衍好飲酒後因醉詬權貴遂戒飲阮宣命之

飲衍曰近斷飲宣以拳歐其背曰老癯癯漢忍斷五中物耶仰

而飲之渴死

晉有羌人姚馥常渴于酒羣輩呼為渴羌武帝

授以朝歌守曰朝歌紂之舊都地有酒池故使老羌不復呼渴

馥固辭遷酒泉太守地有清池其味若酒馥乘醉拜受之 **釀王**

唐汝陽王璿取雲夢石甃之春渠以置酒作金銀龜魚浮沉其

中為酌酒具自稱釀王無翅部尚書 璿于上前醉不能下殿

使人掖出之璿曰臣以三斗壯膽不覺至此

五斗解醒

劉伶

病酒渴甚從婦求酒婦持甕泣諫曰君飲太過非攝生之道伶

曰我不能自禁唯當祝鬼神誓之耳汝便可具酒肉婦從之伶

跪而祝曰天生劉伶以酒為名一飲一石五斗解醒婦人之言

慎不可聽便引酒御肉陶然後醉 **賣酒歌**

益部老蒼傳楊

子非妻劉豁公女也有四男二女長子元琮常出飲還舍其母

十日不許見元琮因諸弟謝過母數責之曰夫飲酒不至沉酒

禮也汝乃荒耽于酒慢而無禮自倡敗首何以帥先諸弟也 **酒**

癡

元載性不飲酒人強之辭以鼻聞酒氣已醉人以謂可治

即取七桃載臬尖出一小蟲曰此酒魔也聞酒即畏是日載飲
至二斗**騎馬如船** 晉阮咸醉騎馬傾歌人皆指而笑曰個老
子騎馬如乘船行波浪中**百悔經** 清異錄閩士劉乙嘗乘醉
與人爭妓女既醒慚悔乃集書籍中凡飲酒致失賈禍者編以
自警題曰百悔經自後不飲至于終身**強飲盡觴** 王敦與王
導嘗造王愷愷使羨人行酒客飲不盡輒殺之酒至敦所敦固
不肯持羨人悲懼失色而敦傲然不視導素不能飲遂勉強盡
觴導還嘆曰處中心懷剛忍非令終也**忠孝飲爵** 唐志景讓
事母孝好獎士類為左丞時蔣伸在宴席斟一杯言曰席上有
孝子家忠子國及名重于時者飲此爵衆皆肅然無敢舉者景

讓起引此爵伸曰此宜其然**千里酒** 桂陽有千里酒飲之至

衆而醉**數斛遺家** 齊書謝朓為吳興別弟淪於征虜諸指淪

口曰此中唯宜飲酒朓既至郡致淪數斛酒遺書曰力飲此物
勿預人事**酒知水** 晉孔嚴祖父奕為全椒令明察過人時

有遺其酒者始入門奕遙呵曰人餉吾兩甕酒其一何故非也
檢視之果是水或問何以知之曰酒重水輕提酒者手有輕重

之異故耳**惡客** 唐元結以不飲者為惡客後人以痛飲者為
惡金貂換酒 晉阮孚為安東府叅軍蓬髮飲酒不以王務嬰

心後拜散騎常侍嘗以金貂換酒為有司所彈帝宥之 賀知
章一見李白呼為謫仙人以金龜換酒與之共飲**墓前自裁**

庾袞字叔褒父在時常戒其飲酒後每醉輒自責曰余廢先人之戒何以罰人乃于墓前自杖三十醉侍僕射 撫言衛元規

酒後忤丁僕射以書謝曰自茲因酒星于天獄焚醉日於秦坑

祖台之與王荊州書屏爵棄危焚壘毀楹殛儀狄于羽山放

杜康于三危不敢踰限 陶侃每飲酒有定限殷浩等勸更少

進俛悽懷良久曰年少曾有酒失亡親見約故不敢踰自稱無

對 周顛善飲過江每稱無對後有舊對自北來欣然出酒二

石對飲而罷明日顛如故視客已腐脅而死 張華既貴有少

時知識來候之華與共飲九醞酒為酣暢其夜醉眠華常飲此

酒醉眠後輒教左右轉側左右依常時為張公轉側其友人無

人為之至明其朋友猶不起華咄云此必死矣使視之酒果穿

腸流床下滂沱澆書攤飯 陸放翁詩澆書滿飲浮蛆甕攤飯

橫眠夢蝶床東坡以晨飲為澆書太白以午睡為攤飯餽籌獄

清異錄荊南節判單天粹宜城人性耽酒日近親朋強以巨觥

多致狼狽時戲語曰單家酒造乃餽籌獄也餽酒三頭 宋徽

宗時蔡攸賜飲禁中上頗以巨觥勸之攸懇辭將至顛踣上曰

就令灌死亦不至失一司馬光也無暑無寒 清異錄河陽釋

法常嗜酒寒暑風雨常醉嘗曰酒天虛無酒地綿邈酒國安恬

無君臣貴賤之拘無財利之圖無刑罰之避陶陶焉蕩蕩焉其

樂不可得而量也且晝且夜 皇甫嵩曰凡醉花宜晝寵其光

也醉宜夜思其清也醉得意宜唱宣其和也醉將離擊鉢壯其神也醉文人宜謹節奏章程畏其侮也醉俊人宜盃觥孟加旗幟助其烈也醉樓宜暑資其清也醉水宜秋泛其爽也又此則失飲之人矣

斷酒戒 庾闡斷酒戒神明智慧人之所以靈也好惡情欲人之所以生也明智運于常涯好欲安於自然吾以知窮智之害性任欲之害真於是推金罍碎玉椀破兕觥指

餽瓊酒令佐歡 唐人飲酒必為令以佐歡嘗有人舉令云馬援以馬革裹尸死而後已答者云李耳以李樹為姓生而知之又鉏麋觸槐死作木邊之兎答者云豫讓吞炭終為山下之灰復有舉經句字相屬而文重者曰火炎崑岡乃有以土圭測影

酬之 高駢鎮戎都命酒佐薛濤改一字令公曰口有似沒梁斗濤曰川有三條掾公曰奈何一條曲濤曰相公尚使一沒

斗窮酒仗三條掾內一條曲又何足恠 以卦名為孟嘗門下三千客大有同人答者云光武兵渡滹沱河未濟既濟又云劉寬婢囊汗朝衣家人小過答云牛僧孺父子犯罪大畜小畜

宋時有以進士為舉首者其黨人意侮之會其人出令曰以字偏傍為率金銀釵釧鋪次一人曰絲綿細絹至其黨人曰鬼魅魍魎 以古人一名一字者行之紂名辛字受伊尹名摯屈平字原曾哲名點樊屋名須劉邦字季項籍字羽枚乘字叔又二名一字者張九齡字壽鄭當時字莊婦人名如男子者

蔡文辭濤崔徽 儒道釋更同席行令首尾字一同儒曰上以
風化下下以風刺上道曰道可道非常道釋曰色則是空空則
是色吏曰牒件狀如前謹牒 **舉傷酒** 齊桓公為大臣具酒
期以日中管仲後桓公舉觴以飲之管仲半棄酒期以後至飲
而棄酒於禮可乎管仲曰臣聞酒入舌出舌出者言失言失者
身棄臣計棄身不如棄酒桓公笑曰仲父起就坐 **夜醉** 景公
飲酒移於晏子之家晏子立子門曰國得無有故乎君何為非
時而夜辱公曰酒醴之味金石之聲願與夫子樂晏子曰臣不
敢與焉乃移於司馬穰苴之家苴如晏子復移於梁丘據據左
執琴右擁竽行歌而至公曰樂哉無彼二子何以持國無此一

臣何以樂身飲酒而

叔孫婁聘于宋宋公與昭子飲酒語

相泣也樂祁佐退而告人曰今茲君與叔孫其皆死乎哀樂而
樂哀皆喪心也心之精爽是謂魂魄魂魄去之何以能久 **獻酒**

投川

越王勾踐出行有獻酒一壺者王曰吾獨飲之若三軍

何乃投于川命三軍飲之

呂氏春秋

昔良將人有饋一簞醪者投之

于河與將士遠流而飲之

黃石公

聖賢能飲

平原君與子高飲

強子高酒曰昔有遺謗堯舜千鍾孔子百觚子路嗑嗑尚飲十
榼古之聖賢無不能飲也吾子何辭焉子高曰以穿所聞聖賢
以道德無人未聞以飲食也此言生於嗜酒者非實然也 孔叢子

舉白樽君

魏文侯與大夫飲酒使公乘不仁為觴政曰飲不

爵者浮以大白文侯飲而不盡爵不仁舉白浮君君視而不應
不仁曰今君已設令令不行可乎君曰善舉白而飲以不仁為
上客論醉樂之求 紹績味醉寐而亡其妻宋君曰醉足以亡
裴季對曰祭以醉亡天下天子失天下匹夫失其身韓非子 罷長
夜飲 齊威王置酒後宮問淳于髡曰先生能飲幾何而醉對
曰一石亦醉酒極則亂樂極則悲萬事盡然言不可極王曰善
乃罷長夜之飲無愁酒 漢武作無愁酒飲之令人無憂君山
仙酒 君山上有美酒數斗得飲之而不死為仙漢武聞之遣
乘巴將童男女數十人求之得酒進御未飲東方朔在旁竊飲
之帝大怒將殺之朔曰既飲有驗殺臣亦不死無驗安用酒為

帝笑而釋之寺僧云春時往往聞酒香尋之莫知其處酒狂
平恩侯許伯入第丞相御史皆賀蓋寬饒不行許伯請之延
往許伯自酌曰蓋君後至寬饒曰無多酌我我迺酒狂丞相魏
侯笑曰次公醒而狂何必酒也容轉投井 陳遵字孟公嗜酒
每大飲賓客滿堂輒關門取客車轄投井中雖有急終不得去
華獨坐 華歆能劇飲至石飲不亂眾人微察常以其整衣冠
為異江南號之曰華獨坐酒德 時苗為壽春令蔣濟作揚
州治中苗初至謁濟濟素嗜酒適會其醉不時見苗苗恚恨還
刻木為人署曰酒徒蔣濟立于墻下朝夕射之酒家便 鄭
泉字文淵陳郡人博學有奇志而性嗜酒孫權以為郎中使蜀

臨卒謂同類曰必與我陶家之側庶百歲之後化為成土華見
取為酒壺實獲我心矣可不與飲王戎弱冠詣阮籍時劉昶
公榮在坐阮謂王曰偶有二斗美酒當與君共飲彼公榮者無
預焉二人交觴酌酢公榮遂不得一柸而言語談戲三人無異
或有問之者阮荅曰勝公榮者不得不與飲酒不如公榮者不
可不與飲酒唯公榮可不與飲酒王孝伯問王仲大阮籍何
如司馬相如大曰阮籍曾中壘塊故須酒澆之王孝伯云名
士不類奇才但使常得無事痛飲酒讀離騷便可稱名士也據
鞍索酒顏延之好騎馬遊遊吳越嘗知輒據鞍索酒得必
傾酒欣然自得夫莫若飲沈文季出為吳興太守飲酒至五

斗妻王氏亦至三斗常對飲竟日而視事不廢無偶相邀袁
粲常步屨白楊郊野間道遇一士大夫便呼與酣飲明日此人
謂彼知顧到門求進粲曰昨飲酒無偶聊相邀了竟不與相見
嘗作五言詩訪迹中字循寄乃滄洲南三騎對飲謝幾卿
性通脫為尚書左丞嘗預樂遊苑宴不得醉而還詣道邊酒壚
停車褰幔與車前三騎對飲觀之如堵幾卿自若嘗於省閣裸
飲小遺下露為南司所彈罰酒不減梁武帝招延後進二十
餘人置酒賦詩減盾以詩不成罰酒一斗飲盡顏色不變言笑
自若蕭介染翰便成文無加點帝兩美之曰減盾之飲蕭介之
文即席之美也回授行觴陰鏗嘗與賓友飲宴見行觴者因

迴酒多以授之衆坐皆笑鏗曰吾儕終日酣飲而執爵者不知其味非人情也及侯景之亂鏗嘗為賊擒或救之獲免鏗問之乃前所行觴者讀釀酒洛陽城西張方橋即漢之夕陽亭也有遠酤治觴二里里中之人多醞酒為業河東人劉伯璽善釀酒六月時暑赫晡以罌貯酒暴於日中其酒不動飲之徑月不醒京師朝貴多出郡登藩遠相餉饋踰于千里號曰鶴觴亦名騎驢酒名曰給給魏書胡叟少聰敏披讀群籍弄閱于目皆誦于口蓬室草筵唯以酒自適叟少孤每言及父母則淚下若孺子之號春秋當祭之前先求旨酒美膳携榼執壺至郭外空靜處設坐奠拜盡孝思之敬時燉煌記潛家善釀酒每節送一

壺于叟或謂潛曰再三之惠已為過厚子惠乎叟何其恒也潛曰我給恒祭者以其恒於孝思也論者以潛為君子酒上公帽阮孚性機辨好酒貌短而禿周文帝備所眷顧嘗於室內置酒十甔甔餘一斛上皆加帽故戲孚孚適入室見即驚喜曰吾兄弟輩甚無禮何為竊入王家匡坐相對宜早還宅也因持酒歸周文撫手大笑史丑洪醉梁元帝檢妃性嗜酒多洪醉帝還房必吐衣中南史陳暄嗜酒與兄子秀書曰汝以飲酒為非吾以不飲酒為過然洪醉之後有得有失成廝養之志是其得也使次公之狂是其失也江諮議有言酒猶兵也兵可十日而不用不可一日而不備酒可千日而不飲不可一飲

而不醉美哉江公可與共論酒矣何水部眼不識孟鑑吾口不
離瓢杓汝寧與何同日而醒乎與吾同日而醉乎速營糟丘吾
將老馬銜酒 唐太宗使蕭翼求蘭亭真跡于越僧辨才才
一見款密留宿設缸面酒江東缸面猶河北曰甕頭蓋初熟酒
也常持 汝陽王飲葉靜能靜能曰有一生能飲當令來謁
翊日有通謁者曰進士常持滿見之侏儒也談胚暉之道飲以
酒五斗醉倒乃是一甕耳河東 周穆王時有杯名常滿十洲 曰
酒損人 明皇始入斜谷給事中韋綯得新熟酒一壺跪獻於
馬首上不為舉綯懼乃注以他器引滿於前上曰卿以我為疑
耶御宇之初嘗飲大醉損一人因以為戒迄今四十餘年未嘗

甘酒味從臣聞之無不感悅夜宴書 李適之雅好賓友飲
酒一斗不亂夜則宴賞晝決公務廷無留事東 長安進士
鄭愚劉參郭保衡王冲張道隱等十數輩不拘禮節旁若無人
每春時選妓妓三五人乘小犢車詣名園曲沼藉草裸形去其
巾帽叫笑喧呼自謂之顛飲醉聖 李白嗜酒不拘小節然沉
酣中所撰文章未嘗錯誤而與不醉之人相對議事皆不出太
白所見時人號為醉聖歌馬 唐書長安自昭應縣至都門
官道左右村店之民當大路市酒量錢數多以飲之號為歌馬
杯自暖 唐書內庫有一酒杯青色而有紋如亂絲其薄如
紙於盃足上有縷金字名曰自暖盃上令取酒注之温温有氣

如沸湯回春酒

李泌請里閭釀宜春酒以祭勾芒神祈豐年

帝悅乃著令

泌以虛誕自任嘗對客令家人速酒掃今夜洪

崖先生來有人遺美酒會有客至乃曰麻姑送酒來與君傾言

未畢門者曰某侍郎取榼子泌命倒還略無忤色

國史補

魚兒酒

裴晉公盛冬用龍腦凝結刻小魚兒每沸酒一盞投一魚在內

隨即消釋名魚兒酒

龍膏酒

順宗時處士伊初玄召入宮飲

龍膏酒黑如純漆飲之令人神爽此本烏弋山離國所獻

杜陽編

郢酒坊

李德裕述夢詩

荷淨蓬池澮水寒郢水膠凡學士

初上賜食皆悉是蓬池魚膾夏至須冰及酒以酒味濃和冰而

飲禁中有郢酒坊

木酒不動

武元衡之西川大宴從事楊嗣

復狂酒逼元衡大觥不飲遂以酒沐之元衡拱手不動沐訖徐

起更衣終不令散宴

兩損額

王源中文宗時為翰林承旨

暇日與諸昆季蹴鞠于太平里第毬子擊起誤中源中之額薄

有所損俄有急召比至上訝之源中具以上聞上曰卿大雍睦

命賜酒二盤每盤貯十金碗每碗各容一升許宣令并碗賜之

源中飲之無餘略無醉容

獨飲

五代漢韋思在上黨五年惟

務聚斂未嘗與賓佐燕會有從事請見思怒曰必是來獵酒也

命典客飲而遣之

賜酒醉

寇準在中書多召兩制就第飲

宴必閉關苛留之畏謹者甚懼李宗諤嘗於門扉下竊出得馬

而去一日召至玉宸殿賜酒宗諤堅辭以醉上令中使附耳語

云此中不須從門扉下出**真心如醉** 劉寬常講經被酒睡伏

帝問太尉醉邪寬對曰臣不敢醉但任重責大憂心如醉 寬

嘗坐客遣蒼頭市酒大醉而還客不堪之罵曰畜產寬遣人視

奴疑自殺曰罵言畜產辱孰甚焉故懼其死也**歡伯** 易林曰

酒為歡伯除憂來樂寶子野酒語曰蓋其可愛無貴賤賢不肖

夷夏共甘而樂之**仙漿** 拘樓國有仙樹腹中有水謂之仙漿

飲者十日醉**瑞露酒** 田璆鄧韶夢觴晚道遇書生曰某有瑞

露之酒釀于百花之中不知與足下乾和五酸孰愈耳與飲其

味甘香無比**九霞觴** 許碣遍遊名山常作詩曰閬苑花前是

醉鄉誤翻玉母九霞觴群仙拍手嫌輕薄謫向人間作酒狂

耶筒酒 耶縣人削竹傾春釀筒閉以藕絲芭以焦葉信宿聲

達於竹外然後斷之以獻號為耶筒酒**沈讓** 漢鄭弘為靈

文鄉番夫行官京洛未至宿一墟墟名沈讓逢友人四顧荒郊

村落絕遠酤酒無處情抱不伸乃以錢投水中依口而飲飲盡

酣暢皆得大醉因更為沈釀川**酒樹** 南海頓遜國有酒樹似

安石榴採其花汁停甕中數日成酒甘美南西南夷有樹頭酒

其樹類櫻結窠大如李土人以麩納罐中以索懸罐於窠下倒

其實取汁流于罐以為酒名曰樹頭酒**崖酒** 山海經樞汁甘

為酒烏丸有東墻酒交州有椰子酒南蠻有檳榔酒真臘有朋

茅四酒辰溪有釣藤酒赤土國有甘蔗酒韃靼有馬潼酒訶陵

國有柳花酒扶南有土瓜根酒

紅友

元豐中東坡自黃移汝

至荆溪有餉紅灰酒者曰此紅友也坡曰彼知有紅友不知有

黃封真快恬也

劉跋字斯立命酒為玉友仍為作傳

味江

蜀有味江蜀王征西番有野人以壺酒獻王王使投之江中三

軍飲之皆醉曰名酒

酒山

南日國有酒山山有泉其味如酒飲

之甚美醉經月不醒

酒井

衛青破月支月支有井色如酒因

名酒井

白擲

元行恭少頗驕恣父文造令與盧思道交

遊文造嘗謂思道曰小兒比日微有所知是大弟之力然白擲

劇飲甚得師風思道答云六郎神情俊邁自是克荷堂構而白

擲劇飲亦天性所得

北齊

過黃公壚

王戎為尚書令過黃公壚

謂客曰吾昔與嵇叔夜阮嗣宗酣暢於此壚自嵇阮亡以來便

為時所羈繼今視此雖近邈若山河

命酒獨酌

馬周舍新豐

逆旅主人不之顧周命酒一斗八升悠然獨酌眾異之

誤以醢

進

唐李景略嘗宴僚佐行酒者誤以醢進判官任迪簡以景

略性嚴強飲之

酒酣挺笏

裴延齡方橫無敢忤者嘗與顧

少連會田鎬第酒酣少連挺笏曰段秀宗笏擊賊臣今吾笏將

擊汝臣奮且前元友直在坐勸解之

仙浴酒

張開光嘗與

母及弟出遊獨留嫗守舍俄有道士敲衣冠疥癬被體直入裸

浴酒甕中嫗不能拒既暮出遊歸渴甚聞酒芳烈亟就盎中飲

嫗心惡道士不敢白而但不飲居數日開元與母弟技宅而去

鍼驗醉醒

群豕共飲

之狗實大司

曼祖曩阮

聽逸便於

入决不能

八達墮墮

以醇酒

不得言

醉甚可畏

劉表設大鍼於杖端客有醉者輒以刺之驗醉醒

阮咸至宗人間共集不復用杯觴斟酌以大盆盛

酒圍坐相向更飲時有群豕來飲其酒咸直接去其上便共飲

光逸字孟祖為胡毋輔之與謝鯤阮放畢卓羊

曼祖曩阮等散髮裸袒閉室酣飲已累日逸將排戶入守者不

聽逸便於戶外脫衣露頂於狗竇中窺之而大叫輔之驚曰他

人决不能爾必我孟祖也遽呼入遂與飲不捨晝夜時人謂之

八達墮墮庾敳字子嵩於東海王越坐頽然醉墮墮几上飲

羊祐鎮荊州諸將欲進譎詐之策者輒飲以醇酒使

宋顏延之以醉謁何尚之尚之望見便陽

眠延之發簾熟視曰朽木難雕尚之謂左右曰此入醉甚可畏

大樂大苦

酒曰快哉

破是謂大苦

與賓客僚屬

為神自誌

乎即自誌

字曼卿喜豪飲

酒欲竭有醋

痛飲露髮

北齊王紘字師羅為領左右都督支宣與左右飲

酒曰快哉大樂紘曰亦有大苦曰何苦紘曰長夜荒飲不悟國

破是謂大苦文宣默然夜分決事崔咸累遷陝虢觀察使日

與賓客僚屬痛飲未嘗醒夜分決事裁剖精明無一毫差吏稱

唐傳爽病夫嘗問醫忽酣卧踈然曰吾死矣

石延年

字曼卿喜豪飲與布衣劉潛為友嘗倅海陵潛訪之劇飲中夜

酒欲竭有醋斗餘乃傾入酒中併飲之明日酒醋俱盡每與客

痛飲露髮跣足着械而坐謂之囚飲坐木稍謂之巢飲以藁束

之引首出飲復就東謂之驚飲。真宗謂曼卿曰朕知卿有才
久矣但聞卿好飲酒恐醉不能了事對曰臣非好飲酒蓋以自
釋耳然臣雖醉其於臨事愈於不醉之人。**覆觴** 晉元帝頗以
酒廢事王導以為言帝命酌引觴復之於此遂罷。**三膏** 十洲
記瀛洲有玉膏如酒味名曰玉。惟飲數升輒醉乃令人長生坐
客酒 食經坐客酒者平旦釀食時熟坐客待酒熟故以為名
銅龍酒 西征記大極殿前有銅龍長二丈銅樽容四十斛
正旦大會群臣龍從腹內受酒口吐之於樽內。**天厨酒** 王方
平至蔡經家曰天厨酒非俗人所宜飲今當以水和之以賜經
家人入飲一升許皆醉。**編鴉酒** 食經秫米二升作糜麩三升

以水五升攪之封頭今日作明日鷄鳴時熟飲。**三百益** 袁紹
邀鄭玄飲于城東必欲玄醉時會者三百人酣酒之後人人進
爵玄飲至五百杯秀眉明目容儀温偉。**三鬼酣醉** 幽明錄漢
建武元年東萊人姓甘家常作酒一日見三奇客共持麩飯至
索其酒飲飲竟而去頃有人來云見三鬼酣醉于林中。**避暑飲**
袁紹在河朔每至夏大飲以避一時之暑號河朔飲。**西接離**
山簡至習家池大醉而歸人歌曰山公時一醉酩酊無所知日
暮倒載歸倒安白接離。**杜康** 智悼子卒未葬晉平公飲酒師
曠季調待飲杜蕢入寢酌曰曠飲斯又酌曰調飲斯又酌杜面
而飲平公曰寡人亦有過焉酌而飲寡人我死無廢斯酌也遂

謂之杜舉聚酒積麩子產有兄曰公孫朝聚酒千鍾積麩成封糟漿之氣達於人鼻窟室夜飲鄭伯有嗜酒為窟室壑谷夜飲而擊鍾為子皙所焚日飲無何袁盎遷具相兄子種謂曰吳王驕日久絀能日飲無何說王無反而已盎用其計吏舍歌呼曹參為相日夜飲酒相舍後圍近吏舍吏舍日飲歌呼參聞醉呼乃反取酒大歌呼與相和灌夫罵坐田蚡為丞相娶燕王女為夫人詔宗室列侯皆往賀酒酣蚡起為壽坐皆避席伏灌夫行酒至蚡曰將軍貴人也畢之蚡不肯至臨汝侯灌賢賢方與程不識耳語夫怒罵曰平生毀程不識不直一錢今日長者為壽迺欲效兒女曹咕囁耳語蚡怒曰此吾驕灌夫罪

也劾夫罵坐不敬得棄市罪魯宗道為諭德一日真宗急召公自仁和肆中飲歸中使曰上昨公來遲當託何事以對公曰但以實告曰然則當得罪公曰飲酒人之常情欺君臣子之大罪中使嗟嘆而去真宗問卿何故私入酒家公謝曰臣家貧無器皿適有親客自遠來遂與之飲陸諤傳陸諤麴城人少與子商君相友善約先貴無相忘已而商子任太常商君任主爵都尉通顯矣而諤方青州為從事商等上疏曰臣等亡狀蒙陛下器使待罪九卿自非得天下賢聖與之同升則非但無以副陛下傾渴而臣等亦自不滿臣友麴城陸諤者舉世莫能測其為人以為剛又無虐以為

柔又有立文雅醞藉號為醇儒至論全身保家活國安天下則又似謀臣策士往時袁盎相兵王驕日久數陷害二千石盎用其兒子種計與譖李善卒賴其力得脫虎口以歸此全身之道也呂太后時群臣動見覆族呂須臾陳平曰平為相非治事專從譖戕婦女太后聞之私獨喜而平得以全其宗此保家之效也河南獻王修德為仁義天子不悅王懼日夜與譖語不厭相事幾廢而民間作畫一之歌此安天下之效也臣聞王者尊有德進有功今譖既賢聖而上自朝廷郊廟燕享下至田里冠昏聚會譖未嘗不在其間功效不為人後而位青州從事簿空置臣亡益上從其言遣壺子持節召譖至見上歡甚是日拜譖光

祿勳頃之封醴泉侯食千戶譖嘆曰生我者天地成我者寧商也二人既薦譖以身下之然二每念譖輒并召二人譖卒監聽侯子醇嗣至曾孫醜不肖以罪廢國除譖既沒二人亦亦跡不復用云 太史公曰漢興陸賈以辨說游公卿間為太中大夫譖復以德業位九卿賜爵列侯傳國數世陸氏之先豈有天

祿哉

醉鄉記 王績 醉之鄉去中國不知幾千里也其土曠然無涯無丘陵阪險其氣和平一揆無晦朔寒暑其俗大同無邑居聚落其人甚清心愛憎喜怒吸風飲露不食五穀其寢于其行徐徐與鳥獸魚鼈雜處不知有舟車器械之用昔者黃帝嘗

獲游其郡歸而告然喪其天下以為結繩之政已薄矣降之允
舜在為千鍾百壺之飲因姑射神人以假道蓋至其邊鄙終
太平為湯之法禮繁樂雜數十代與醉鄉隔其巨義和奔甲
而逃冀臻其鄉失道而道夫故天下遂不寧至乎末孫宗紆
而昇其智立階級千仞而望率不見醉鄉武王得志于世
乃命公旦立酒人氏之職典司五齊拓土七千里僅為醉鄉
焉三十年刑措不用下逮幽厲迄于秦漢中國喪亂遂與醉鄉
絕而臣下之愛道者往往竊至焉阮嗣宗陶淵明等十數人並
遊于醉鄉沒身不返死葬其壤中國以為酒仙云嗟呼醉鄉
之俗豈古華胥氏之國乎何其淳寂也如是余將游焉故為之記

茶

茶經茶者南之嘉木也樹如瓜蘆葉如桅子花如白
薔薇其名一曰茶二曰檟三曰設四曰茗五曰荈
爾雅早采者為茶晚取者為茗 茶譜蜀州崔吉鳥嘴麥顯文
有片甲者早春黃茶 蟬翼者其葉軟薄如蟬翼也

造小龍團

咸平中丁謂為福建漕進龍鳳團慶曆中蔡襄為
漕始造小龍團歐陽公問之曰君謨士人也何至作此事

經

唐陸羽嗜茶著茶經三篇御史大夫李季卿宣慰江南有
薦羽者召之羽衣野服持具而入公心鄙之茶畢命奴子取錢
三十文酬煎茶博士羽愧之更著毀茶論 **本集名** 續搜神記
晉孝武帝時宣武人秦精嘗入武昌山中採茗忽見一人身長

一火通體皆毛精見之大怖毛人徑牽其臂將至山曲大叢茗
處放之便去須臾復來乃探懷中橘與精精甚怖負茗而歸
茗者真 死剡縣陳務妻少寡與二兒為居宅中先有古塚
每日作茗搏輒先以箸墳上二子患之曰古塚何知徒以勞意
欲掘除之母苦禁乃止夜即夢見一人自說沒來三百餘年謬
蒙惠澤賢二子恒欲見毀相賴保護雖潛壤與朽骨敢忘賢業
之報明日晨興於外屋得錢十萬似父埋者而貫皆新提還告
其兒並有慙色自是設饌愈謹自茶 劉琨與兄子羣書曰前
得安州乾茶二斤吾患體中煩悶恒而真茶汝可信信致之
厄 世說晉王濛好飲茶人至輒命飲之士大夫皆患之每欲

往候必云今日有水厄 **晉書** 晉元帝時有老母每旦擊一器
茗往市鬻之市人競買自旦至暮其器不減所得錢散路傍孤
貧人或異之執而繫之于獄夜擊所費茗器自牖飛去 **復若**
神異記虞洪餘姚人入山採茗遇一道士率三青牛引洪至瀑
布山曰吾丹丘子也聞子善具飯常思見惠山有大茗可以相
給祈子他日有甌蟻之餘相遺也洪即祝之後遣家人入山果
獲大茗焉 **復茗** 續搜神記桓宣武有一督將曰病後虛熱
便能飲復茗必以一斛二斗乃飽後有客造之更進五升乃吐
出一物如升六有口形質縮縞狀如牛肚客乃令置盆中以斛
二斗復茗澆之此物噏之都盡而腹中覺小脹又增進五升便

悉混然從口中通出既吐此物病遂瘥或問之此何病答曰此病名複茗痕茶太和九年王涯獻茶以涯為權茶使茶之有稅自涯始鄭注亦議權茶天子命涯為使及涯就誅皆羣詬罵抵以瓦礫權茶之詔何易于益昌令益昌官權取茶利詔下所在毋敢隱易于視詔書曰益昌人不征茶且不可活矧厚賦毒之乎命吏閣詔吏曰天子詔何敢拒吏坐死公得免竄邪對曰吾敢愛一身効暴于民乎亦不使罪爾曹即自焚之觀察使素賢之不効也受茶一串張鑑餉陸贄錢百萬止受茶一串曰敢不承公之賜甘草癖清異錄何子華邀客酒半出陸鴻漸像目言前世感駿逸者為馬癖泥貫索者為錢癖耽于

子息者為譽兒癖耽于褒貶者為左傳癖若此叟者溺于茗事將何以名其癖揚粹仲曰茶至珍蓋未離乎草也草中之甘無出茶上者宜追目陸氏為甘草癖坐客曰允矣哉竟陵僧有於水濱得嬰兒者育為弟子稍長自茲遇蹇之漸繇曰鴻漸于陸羽可用為儀乃姓陸氏字鴻漸名羽晚甘候清異錄孫樵送茶與焦刑部書晚甘候下五人遣侍齋閣此徒皆乘雷而摘拜水而和蓋建陽丹山碧水之鄉乃澗雲龕之品慎勿賤用之苦口師皮光業最耽茗飲一日中表請嘗新柑筵具甚豐答紋叢集繞至夫顛尊壘而呼茶甚急徑進一巨觥題詩曰未見甘心氏先迎苦口師衆囑曰此師固請高而難以齋饑也莫若

能詩

胡生者以釘鉸為業居近白蘋洲傍有古墳每茶飲必

奠酌之忽夢一人謂曰吾姓柳平生善為詩而嗜茶感于茶茗

之惠無以為報欲教子為詩胡生辭以不能柳強之曰但率子

意言之當有致矣生後遂工詩柳意是柳惲也**狗食茶**有人

授舒州牧李德裕曰到郡日天控峯茶可惠三數角其人獻數

十斤李不受明年罷郡用意精求獲數角投之李曰此茶可以

消酒食毒乃命烹一甌沃于肉食內以銀合閉之詰旦視其肉

已化為水矣**日飲百椀**大中三年東都進一僧年一百二十

歲宣皇問服何藥而致此僧對曰臣少也賤素不知藥性本好

茶至處唯茶是求或出日過百餘椀如常日亦不下四五十椀

因賜茶五十斤令居保壽寺南都新書**拔茶植桑**張詠令崇陽民

以茶為業公曰茶利厚官將權之命拔茶而植桑民以為苦其

後權茶他縣皆失業而崇陽之桑已成**雷鳴茶**雅州山曰中

頂有僧病冷且久遇老父曰仙家有雷鳴茶俟雷發聲併手於

中頂採摘獲一兩服未竟病瘥精健至八十餘入青城山不知

所之**僊掌茶**荊州玉泉寺有乳窟玉泉交流中有白蝙蝠大

如鴉飲乳而長生水邊茗草名仙人掌茶大如手掌**論搶茶**

荆公送元厚之詩新茗齋中試一旗世謂茶之始生而嫩者則

為一槍窵大而開謂一旗過則不堪矣**用盞**東坡云唐人

煎茶用盞故薛能詩益損添常戒盞宜着更誇據此則又有用

鹽者矣近世有用此二物者輒大笑之然茶之中等者用薑煎
信佳也鹽則不可

類苑叢寶卷之三十七

類苑叢寶卷之三十八

冠服門

冕

釋名祭服曰冕冕猶俛也俛平直貌亦言文也玄上纁
下前後垂珠有文飾也 說文黃帝始祭冕 禮記冕

有虞曰皇夏曰收商曰皞有虞氏皇而祭深衣而養老夏后氏
收而祭燕衣而養老殷人皞而祭縞衣而養老周人冕而祭玄
衣而養老 玉藻天子玉藻有十二旒前後邃延十有二旒則
天數也 周禮祀上帝則衮冕享先王則袞冕享先公則鷩冕
祀四望則毳冕祀社稷則希冕祭群小則玄冕 白虎通冕所
以前後邃延者何示進賢退不能也垂旒者示不視邪續塞耳

示不聽讒故水清無魚人察無徒明不尚極知下故禮曰天子
玉藻十有二梳前後邃延也 古今注冕旒如繁露何也曰綴
而下垂如露之繁多故曰繁露 表記君子端冕則有敬色
與服志衮冕者一品之服鷩冕者二品之服毳冕者三品之服
絺冕者四品之服玄冕者五品之服平冕者六品以下之服
擊氏決疑秦除六冕之制漢明帝永平中使諸儒案古文復造
衮冕 宋更名曰平天冕天子郊禮及宗廟服之

危石春水

符子曰龍逢諫桀曰臣觀君之冕非冕冠危石觀
君之履非履履春水未有冠危石而不壓踏春水而不陷者也

裂冠毀冕

左傳曰王使辭于晉曰我有伯父猶衣服有冠冕

木土之有根源伯父若裂冠毀冕按本塞源雖戎狄其何有余

非德賞

左傳公還及方城季武子使公治問公起居公治季
氏屬大夫公以卿玄冕賞之固辭而後受公治疾聚其臣曰我

死必無以冕服斂非德賞也言公魯季氏而賞其使非我有德

彰德

郭賀為荊州刺史明帝賜以三公之服黼黻冕旒勅去
蟾露冕使百姓見此衣服以彰其德

冠

釋名冠貫也所以貫韜髮也 白虎通制冠以饒首別
成人也 與服志上古衣毛而冒皮後世聖人易以絲

麻觀畫翟之文始作五采以為服見鳥獸有冠角顛胡之制遂

作冠冕纓綏夏之冠曰毋追商之冠曰章甫其制與周之委貌

俱用緇布為之 天子冠通天冠諸侯玉冠遠遊冠公侯冠進

賢冠斷公卿冠委 衛士却敵冠 執憲獬豸冠 獄吏柱後

惠文冠 漢官儀侍御史周官也為柱下史冠法冠一日柱後

以鐵為柱 武冠謂之大冠

問舜冠 魯哀公問孔子曰昔舜何冠孔子不對公曰有問子

子不答何也對曰舜之為君好生惡殺任能授賢君會是不違

而冠是問是以緩對**鵠冠** 鄭子臧出奔宋好聚鵠冠鄭伯聞

而惡之使盜殺之君子曰服之不衷身之災也**緇冠** 楚文王

好服緇冠楚國效之趙武靈王具帶鷄鶡而朝趙國化之**豹冠**

范獻子卜獵命人占之此其繇也曰君子得畜小人遺冠范獻

子獵而無得遺其豹冠**制冠** 莊王誅史里孫叔敖制冠幹衣

皮冠 齊侯田于沛招虞人以弓不進公使執之辭曰昔我先

君之田也旌以招大夫弓以招士皮冠以招虞人臣不見皮冠

故不進乃舍之**大帛冠** 狄人滅衛齊桓公封衛于楚丘衛國

忘亡衛文公大布之衣大帛之冠**緇冠** 昔齊桓公高冠博帶

以治其國楚莊王鮮冠組纓絳衣博袍以治其國**鵠尾冠** 漢

高祖初為亭長以竹皮為冠今鵠尾冠是也**惠文冠** 張敞弟

為梁相敞遣吏送之問曰何以治梁梁武曰馭黠馬者利其術

策當以柱後惠文冠彈治之耳吏還告敞曰必辨治梁矣註惠

即蟬也冠細如彈翅今御史冠是也**富山冠** 鄆食其謁沛公

衣儒衣冠高山冠危樞冠 鴻門之會樊噲聞急乃裂衣危樞

以為冠排入羽營山冠 杜欽字子夏家富而目偏盲茂陵杜

業亦字子夏時人號欽為盲杜子夏欽迺為小冠廣裁一寸由

是謂欽為小冠杜子夏大冠 蓋寬饒初拜衛司馬大冠帶長

劔躬按行士卒之室步搖冠 江充召見衣紗縠禪衣冠步搖

冠飛翾之纓上見之燕趙固多奇士彈冠 王陽與貢禹為友

陽為益州刺史禹聞之彈其冠以待陽薦陽薦禹於成帝召為

大夫交讓冠 馬援與公孫述有舊援入蜀述見之甚喜令冠

交讓之冠立舊友之位掛冠 王莽居攝逢萌曰三綱絕矣

去禍將及人即解冠掛東門而去鹿皮冠 張欣泰為直閣步

兵校尉着鹿皮冠挾素瑟有以啓武帝曰將家兒何敢作此舉

止繆武帝幸劉俊第帝着鹿皮冠劉俊設兔毛衾於牖中宴樂

以冠賜俊至夜乃出獼皮冠 陳伯之濟陰睢陵人也年十

三四好着獼皮冠金長冠 婆利國以瓔珞繞身頭着金長

冠高尺餘形如弁綴以七寶之飾璽金冠 貞觀中太宗初服

翼善冠賜貴臣進德冠因謂侍臣曰僕起自周武帝蓋取便於

軍容今四海無虞息武事此冠頗採古樣兼類幘頭乃宜常服

一星冠 肅宗時司天韓穎奏五官正其官配五方臣請冠上

加一星衣徒方色玉葉冠 太平公主有玉葉冠金冠 寶曆

二年浙東貢舞女戴輕金冠以金絲結之為鸞鶴狀仍飾以五

綵細珠玲瓏相續可高一尺**賣筆天冠**

廖融潘居冲更唱述

和宋太宗懲五代之弊以詞賦論策取士韋曰豈知今日詩一

似大市裡賣平天冠並無人問耶**鵝冠**

虎賁冠插鵝尾鵝

鳥中之果勁者也每所櫻撮應爪摧碎其尾上黨所貢**方山冠**

五綵方山冠各以其綵教為之昌邑王賀為王時冠方山冠**芙蓉冠**

芙蓉冠

漢武帝閒居未央殿有人乘白雲車駕白鹿冠芙蓉冠

曰我中山衛叔卿也

貂蟬冠

齊周盤龍為散騎常侍武帝謂

曰著貂蟬冠何如堯璽答曰此貂蟬從堯璽中生耳 元嘉中

王曇首殷景仁等並為侍中情甚親密景仁與帝接膝共語貂

拂帝帝手接貂置案上語畢復手挿之**二儀冠** 二儀冠道士

服烏塗冠

古今注曾參鋤瓜三足烏來萃其冠

楊拂冠

永

康九年正月大會九鳩八御座武帳中拂司空張華之冠 梁

書朱异除中書郎有飛蟬上异冠上咸謂蟬珥之兆後果如焉

進賢冠

進賢冠古緇布遺象也蓋文儒之服

二尺緇

魏年

見趙王王方使冠工制冠于前王問治國于牟對曰大王誠能

重國若此二尺緇則國治且安王曰社稷至重而比之二尺緇

何也牟曰大王制冠不使親迎而必求良工者非為其敗緇而

冠不成歟今治國不求良工而任其私愛此非輕國于二尺緇

之效耶王無以應

巾帽

釋名巾謹也二十成人士冠庶人巾當自謹修四教也 白虎通弁之為言攀持髮也 釋名弁如兩手

相合拊時也以爵韋為之謂之爵弁以鹿皮為之謂之皮弁以韋韋為之謂之韋弁 釋名帽者冒也 幘巾也卑賤執事者

所服其後貴賤皆服之 覆髮謂之幘又謂之承露

折角巾見兩 **漉酒巾** 陶潛取頭上葛巾漉酒 **綸巾** 諸葛武

侯綸巾羽扇指揮三軍 晉簡文辟謝萬為從事着白綸巾披

鶴氅裘端版而前帝與談移日 **幅巾** 迎策 華歆為豫章太守

孫策略地江東歆乃幅巾迎策 **角巾** 東路 羊祜與從弟護書

曰年已朽老既定邊事當角巾東路還歸鄉里 **緋巾** 奉迎 耿

純章宗族賓客二千餘人皆絳衣絳巾奉迎世祖世祖拜純為

前將軍 **飾巾** 侍終 何進表隗欲持表陳寔以不次之位寔乃

謝使者曰寔久絕人事飾巾侍終而已 進又禮待鄭玄玄不

受朝服惟服幅巾一宿而去 **冠巾** 微行 曹操嫌忌孔融令路

粹枉狀奏融云位為九列不遵朝儀冠巾微行唐突宮掖 **纁巾**

漢末王公多委王服以幅巾為雅表紹崔鈞之徒雖為將軍皆

着纁巾 **大刀巾** 王敦欲伐甘卓遣使送大刀巾 **鹿皮巾** 梁

武帝賜陶弘景以鹿皮巾後屢加禮聘並不出 帝與何點有

舊及踐祚手詔論舊賜以鹿皮巾引入華林園 **贈白綸巾** 梁

賀德基以遊學都門嘗於白馬寺前進一婦人脫白綸巾以贈

之仍謂曰君方為重冕故以此相遺耳問姓名不答而去桐子

巾 隋丞相牛弘下議請着桐子巾以桐木為之內皆漆詔從

之僕射巾 裴冕自製巾工甚入爭效之號僕射巾 **夾羅巾**

唐駙馬韋處仁戴夾羅巾文宗謂之曰慕卿門第清素以之選

尚如此巾服非所宜也 **以珠飾巾** 昭宗時侯王將帥皆以珠

一顆貫以銀線而簪之軍人咸以珠飾巾洎朱梁篡立乃知珠

已居人上者久矣 **辟塵巾** 皇甫玄真子新羅得一辟塵巾持

與高瓊時久旱塵埃且甚高顧視馬尾鬣及左右騎從並無纖

塵執之体覺虛涼 **白雲巾** 山谷詩爛醉後歌白鷺巾 **烏角巾**

杜詩錦里先生烏角巾 **蓮花巾** 李白詩吳江女道士頭戴蓮

花巾白氎巾 高昌國有草名白氎纈其花可以為布為巾子

真巾 東坡詩半升僅漉渊明酒二寸纔容子夏巾 **脫巾求糧**

德宗時倉廩竭楚軍或脫巾呼于道曰拘吾于軍而不給糧吾

罪人也上憂之 **理髮取帽** 謝安為桓温司馬温後詣安值其

理髮安性遲緩久而方罷使取帽温見留之曰令司馬着帽進

見重如此 **夢脫帽** 梁到旣嘗夢武帝遍見諸子至湘東而脫

帽與之於是密敬事焉 **司徒帽** 後魏高昂轉司徒好著小帽

世因稱司徒帽 **遺新帽** 王濛羨姿容居貧帽敗自入肆買

之媼悅其貌爭遺新帽 **蒼頭公** 沈慶之隨宗愨伐沔北諸山

蠻大破之慶之患頭風好着狐皮帽群蠻惡之號曰蒼頭公

龍山篋帽

桓温九日遊龍山然僚悉集有風吹孟嘉帽墮不

覺黃帽

鄧通初為刺郎着黃帽以土勝水也**皂帽**管寧

在家常着白帽亦曰皂帽

汝陽王璉戴呀硝帽打曲明

皇自摘紅羅置帽上喚曰花奴**側帽**

獨孤信事魏帝為參佐

有清望嘗走馬帽微側京師人多慕之皆效其所為故側其帽

研光帽

徐州通判李珣有子七歲素不善詩忽詠落花云流

水難窮目斜陽易斷腸誰同研光帽一曲舞山香父驚問之答

曰西王母宴群仙有舞者戴研光帽帽上簪花舞山香一曲

易帽

客有訪胡文恭者具公服而忘易帽胡公與之盡禮而

退席帽

炙轂李曰席帽乃羗服以羊毛為之**無屋幘**未冠

童子幘無屋者未成人也入學小童幘也示尚幼小未遠也

古者有冠無幘秦加其武將首飾為絳幘後稍作顏題至孝

文乃高其顏崇其印為屋幘繼其前名之曰顏晉永嘉初乃去

其纒名無顏幘其殺四海分崩無顏以生也**幘**馬援

外類儻蕩簡易而內重禮事寡嫂雖在閨內必幘然後見幘

不幘巴祗為揚州刺史黑幘毀壞不復改易以水澡墨傅而

用之

擅道濟推魏有功及誅憤怒氣盛目光如炬

俄尔間引飲一斛脫幘投地曰乃壞汝萬里長城

邵陵王綸酒後好聚衆着冠手自裂破投之唾壺皆莫敢言謝

舉嘗預宴王欲取舉幘舉正色曰裂冠毀冕弗敢聞命拂衣

有勝石順

魏太祖為人佻易無威儀每與人譚論戲弄盡無

所隱及歡悅大笑至以頭沒盃案中者膳皆沾污中憤憤

上 庾顛字子嵩有豪氣轉軍諮祭酒劉興欲搆之而無跡可

間後以其性儉家富說東海王越令就按錢十萬冀因此可乘

越於衆中問顛顛頽然已醉憤墮几上以頭就穿取徐蒼云下

官家有兩千萬隨公所取越甚悅因曰不可以小人之慮度君

子之心 **齊制宮內唯天**

史實軌見之遺以冠憤鹿韓逼署卿正委之地不肯服 **朱**

凡救日蝕者皆着赤幘以助陽也 **齊制宮內唯天**

子鈔帽臣下皆絨帽特賜平秦王歸彥鈔帽以寵之 歸彥額

骨三道着幘不安文宣見之怒使以馬鞭擊其額血被面曰爾

反時當以此骨後竟反 **桓帝** 延熙中梁冀誅後京

師作幘皆顏短耳長短上長下以為服妖 全孤德茶曰晉之

將亡君弱臣彊故曰作士女衣小而裳大 **昔魏武**

軍中無故作白幘此喪徵也 沙門寶誌忽重着三布帽亦不

知於何得之俄而武帝崩大惠太子棟章文獻王相繼薨 **齊**

不 中書監舍着介幘 陶侃如廁見一人朱衣介幘曰君

當為公臣八州都督翡翠幘 文趾蒼梧俗以翡翠為幘 **齊**

陳陳暹為信三初容後傲美轉甚右主不能容樽文為帽使加

于首執之然及髮垂涕求哀帝許柳在邊起發之并博死

笏

釋名笏忽也君有教命及所答白則書其上備忘也
古者貴賤皆執主書君上之政令有事則指之於腰帶
中五代以來唯八座尚書執笏白筆綴手板頭以紫囊裏之其
餘三公卿士但執手板板主於敬不執笏示非記事官也禮
記天子以球玉諸侯以象大夫以魚須文竹士竹本象可也
應仲遠云昔荆軻逐秦王其後謁者持匕首以備不虞從此侍
官皆執刀劍漢高祖武修文始制以手板代馬 周書武王不
開外以示無惧去劍措笏以示無仇

玉笏 孟岐年七百歲語及周初時事如目前政時待周公外壇
上以手磨成王之足周公以玉笏與之謂真相手板 相手板

法出蕭何或曰西皓東方朔見之喜曰非庸人所解 南部新

書李參軍善相笏休咎呼為李相笏又有龍復本者無目凡有
象簡竹笏以手捻之必知官祿年壽王敦以温嶠

為丹陽尹嶠欲離敦而外飾讓錢鳳覺之未言嶠知將間已因
餞會自起行酒至鳳鳳未飲嶠偽醉以手板擊鳳幘墜作色曰

餞鳳何人温太真行酒而不飲敦不悅兩釋之執板交拜朱

治領吳郡舉孫權為孝廉後權為吳王治每進見權常親迎執
板交拜 權既即位會百官欲功周瑜張昭舉笏欲廢贊功德

未及言之權笑曰如張公之計今已乞食矣昭大慙伏地流汗

笏 褚遂良諫玄武門為后曰臣今忤陛下意罪當死

續通志卷之八

因置笏於殿階頭流血願還陛下笏正故田里笏擊朱此
朱泚欲僭位段秀實勃然起執源休腕衆笏擊泚中顛流血杖
面刺副走秀實遂遇害笏擊朱此
宴于家以一榻置笏重積其上遺書笏魏徵薨帝臨朝嘆
曰朕比使人至家得書一紙始半彙其可識者曰天下之事有
善有惡任善人則國安任惡人則國弊公卿之內情有愛憎憎
者惟見其惡愛則止見其善愛憎之間所宜詳謹朕顧思之恐
不免斯過公卿侍臣書之於笏知而必諫也 文宗問魏徵家
書詔頗有存者乎五世孫善對惟故笏在詔令上送鄭覃曰在
人不在笏帝曰覃不識朕意此笏乃今之甘棠唐宣宗詔出魏

文貞笏故其五世孫丞相善進士孫推請銘其笏曰靈笏薦育
比于獻骨合以憤烈在公為笏怒虎可唾笏不可挫太率可裂
笏不可折柱天不側指日不食標儀條臆起鯁開直笏擊
故事措笏於帶而乘馬張九齡體羸使人持之因置笏囊裏笏
薦賢孔帖唐韋貴之為長安丞或薦之京兆尹李實實舉笏
示所記曰此其姓名也素聞其賢願薦之而進於上書笏慎密
玄宗時崔滌朝夕宮掖出入無間慮有所漏洩乃於滌笏上親
書慎密二字以誡之 裴晉公以文皇敷起居郎書居安思危
四字書於笏以為至誠舉笏却揖 宋璟告蕭入朝公卿以次
謁易之等後至促步而附環舉笏却揖唯唯揚笏責禮 唐王

無兢三遷監察御史又改殿中會朝見宰相宗楚客揚拜思雄
位偶語無兢揚笏謂曰朝禮不敬置笏在陛崔元亮改諫議
大夫鄭注誣宋申錫捕建倉卒內外震駭元亮率諫官叩延英
苦諫及復數百言文宗未諭元亮置笏在陛擇笏以賜李絳
面論吐突承璀用兵無功合從顯責又論承璀於軍中立聖政
碑事不可舉上初怒色變絳語不已詞旨懇切因泣下上察其
意乃大開悟拜絳為中書舍人即命曳去所立碑曰微絳語吾
不知為損又面賜絳紫親為絳擇笏以賜之因謂曰尔他時勿
易此心墜笏放還唐昭宗屢徵司空圖不起柳繫以詔書徵
之圖俱入見陽為衰野墜笏失儀墜復下詔曰養高釣名唯恐

難居公正之朝可放還山按柳繫布賊臣意誅天下才望故國

無意於世三世傳笏唐韓臯家自黃門以來三世傳執一笏

經祖父所執未嘗輕授於僕人之手故則別置卧內一榻以示

敬謹執笏百人宋李穆拜太師贊拜不名一門執象笏者百

餘人大漸書笏宋太宗有疾宰相呂端問疾禁中見太子不

在傍疑有變乃以笏書大漸字令親密吏趣太子入侍書其事

笏余靖奉使入薛書所奏事于笏各用一字為目上顧見之

問其所書者何靖以實對上指其字一一問之盡而後已笏擊

僕晏殊坐以笏擊死僕隸出守南京拜笏王徽之挂笏

看山

帶

說文帶紳也男子繫帶婦人帶絲釋名帶帶也著於身如物帶也

賜黃銀帶

唐杜如晦卒後太宗賜房玄齡黃銀帶曰如晦與

公同輔朕今獨見公泣然流涕曰世傳黃銀鬼神畏之更取為

帶遣送其家通天犀帶

裴度拜准西宣慰招討處置使入

對延英曰主憂臣辱義在必死賊未授首臣無還期帝壯之為

流涕及行帝賜通天御帶公臨薨令子弟執筆口占狀曰內

府之珎先朝所賜既不合將歸地下又不合留在人間謹却封

進聞者嘆其簡切而不亂馬植為相神策中尉馬元贄為宣

宗寵信賜通天犀帶植與元贄素相善元贄以賜帶遺之他日

植對便殿帝識其帶詰之植震恐言狀坐貶天平軍節度使

還人玉帶

裴晉公質狀眇小相者曰郎君者不至貴即當餓

死一日遊香山寺有婦人以父被罪假得玉帶三犀帶一以賂

津要實子欄捕忘收而去度得而授之後相者曰必有陰德及

物前途萬里非某所知也**十三銀帶**隋文作相李穆曰周德

既衰愚智共悉天時若此豈能違天仍遣使謁隋文帝并上十

三銀金帶蓋天子服也以微申其意**紫金帶**上以紫金帶賜

岐王蓋昔高宗破高麗所得蘭元中高麗遣使來朝宴內殿因

從容言於內臣曰紫金帶本國亡是歲荒民散干戈屢起幸在

內帑一見足矣上聞之命封付其使**犀帶辟塵**石駙馬寶吉

知陳州其州解一皆新之每毀舊屋則坐下風塵自分去人皆
驚恠蓋其所服帶乃辟塵犀也**講易賜帶**文宗朝李訓講周

易頗叶上意時方盛夏遂命取水玉腰帶以賜訓**宣和賜帶**

唐封教字碩夫雅為李德裕所器嘗昌初除翰林學士德裕以
平劉稹功進太尉教草制立謀與吾同言不他感德裕解玉帶
贈之**告以獻帶**許州富人有玉帶甚從簡欲之而不可得遣

二卒夜入其家殺而取之卒投帶墮隱木間見其夫婦相待如
賓二卒嘆曰吾公欲奪其寶而害斯人吾必不免因躍出而告
之使之速以帶獻遂踰垣而去**日月帶**韓似夫使金國見虜
主所係犀帶倒透中正透如圓鏡狀光彩絢目虜主云此石晉

少主歸獻耶律氏者唐世所寶日月帶也**歌姬贈帶**南唐近

事嚴續相公歌姬唐鎮給事通天犀帶皆一代尤物因出妓解
帶呼盧唐采大勝乃酌酒命美人歌一曲而別嚴悵然與之

不買玉帶宋王文正公有貨玉帶者持以及門公弟因以呈
公公曰如何弟曰甚佳公命弟繫之曰還見佳否弟曰繫之安

得自見公曰玉名石也得不要事自負重而使觀者稱好無乃
勞也我腰間不稱此物亟還之故平生所服止于賜帶

衣服釋名凡服上曰衣依依也人所依以范寒暑也世本

胡曹作衣黃帝臣也白虎通衣者隱也裳者鄣也所
以隱形自彰蔽也墨子古之人未知有衣服之制故聖人作

之冬則綃帛輕且煖夏則絺綌清且涼所以適身體和肌膚也
 文子古之為道者量腹而食制形而衣 呂氏春秋被褐而
 出衣錦而入藏文於內固不可也 禮記非列采不入公門列
 采正服之色 季秋命有司具節衣裳文繡有恒衣服有量冠
 帶有常必循其故 作異服奇器以疑衆殺無赦 有以文為
 貴者謂黼黻玄纁之服 周禮縫人掌玉宮縫澣之事掌內外
 之縫事 司徒以本俗六安萬民六曰同衣服謂人雖富衣服
 不得獨異 禮記君子服其服則文以君子之容是故君子恥
 服其服而無其容 左傳衣身之章也服之不衷身之災也
 文中子衣裳所以防其躁也 易黃帝堯舜垂衣裳而天下治

蓋取諸乾坤上服下裳乾坤之象 書唯衣裳在首 詩無衣
 無褐何以卒歲 子有衣裳不曳不婁 豈曰無衣不如子之
 衣安且燠乎 緇衣之衣乎敬乎又改為兮 衣裳楚楚 粲
 粲衣服 要之棘之好人服之 論語禹惡衣服而致美乎黻
 冕 衣前後檐如也 春服既成紅紫不以為褻服 衣蔽
 緼袍與衣狐貉者立而不恥者其由也與 孟子舜被袿衣鼓
 琴

深衣 制有十二幅以應十有二月袂圓以應規曲袷如矩以
 應方負繩及裸以應直下齊如權衡以應平五法已施故聖人
 服之 司馬公作深衣謂康節曰先生亦可衣此乎康節曰某

為今人當服今時之衣温公歎其言合理**國士解衣** 吕氏春

秋我夷違齊如魯天大寒與弟子宿於郭外謂弟子與我衣我

國士為天下惜死子不肖不足愛弟子曰不肖之人安能與國

士衣戎夷解衣與弟子夜半而死**褐衣入見** 婁敬脫靴見

齊人虞將軍曰臣願見上言便宜虞將軍欲與鮮衣敬曰臣衣

帛衣帛見衣褐衣褐見不敢易衣將軍入言上召見**桓公好紫**

尹文子齊桓好服紫國人盡服之公患之管仲曰君謂左右甚

惡紫臭于是三日境內莫有衣紫者依衣顛倒 說苑魏文侯

封太子擊于中山舍人趙倉奉使文侯問子之君長大孰與

寡人倉唐曰君賜之太府之衣則能勝之矣文侯遣倉唐賜太

子衣一襲令倉唐鷄鳴時至太子出迎拜謁及發篋衣盡顛倒

太子趣身駕曰賜之衣非以為寒也欲召擊也詩曰顛之倒之

自公召之**衣章朝君** 說苑齊林既著章朝景公公曰何服小

人衣耶林既曰衣狗裘者不必狗吠服羊裘者不必羊鳴今君

衣狐裘者能孤乎**卧牛衣中** 王章疾病無被卧牛衣中與妻

訣涕泣其妻呵怒之曰仲卿等貴在朝廷人誰踰仲卿者今疾

病困厄不自激昂乃涕泣何鄙也**厄人着綉** 更始時授官爵

皆群小賈豎膳夫庖人多着綉雨衣錦袴襜褕諸子罵詈道中

時智者見之以為服之不中身之災也**衣帛** 祭遵為人廉約

家無私財常衣青袴履布被夫人裳不加綠**衣無異副** 祭彤

在遼東幾三十年衣無兼副顯宗羨其清約賜之衣被什物無不悉備**青絳采衣** 袁忠乘舩戴笠詣王朗見朗左右僮從皆着青絳采衣非其奢麗即碎疾發而退**不爛室中** 高士郭文居大辟山恒着鹿裘葛巾餘杭令顧颺與葛洪造之颺使致常布衣不納使置室中乃爛於內竟不服用**百結衣** 董威輦不知何許人忽見洛陽止宿白社中於市得殘許繒輒結以為衣號曰百結衣**寒不借衣** 陳無已趙挺之邢和叔皆郭大夫婿陳在館職當侍祠郊丘非重裘不能禦寒氣無已止有其一其內子為於挺之家假以衣之無已詰所從來內以實告無已曰汝豈不知我不着渠家衣耶却之既而遂以凍病而死**脫襦不**

受 謝朓為吏部侍郎過候江革時大寒雪見革敝絮單席而耽學不倦嗟嘆久之乃脫其着襦并手割半檀與之充坐具而去**不敢遺襦** 梁顧協為廷尉正冬服單簿寺卿蔡法度欲解襦與之憚其清嚴不敢發口謂人曰我欲解身上襦與顧即顧郎難衣食者竟不敢遺之**誤持袴去** 後漢陳重舉孝廉為郎同舍郎有告歸寧者誤持鄰舍袴以去主疑重所取不自申說市袴償之後歸寧者歸以袴還主其事乃顯**遺天下衣** 齊桓公出遊見老人命之食曰請遺天下食遺之衣曰請遺天下衣公曰吾府庫有限老人曰春不奪農時即有食夏不奪蚕工即有衣**衣大練** 明德馬后常衣大練裾不加緣朔望諸姬主朝

請望見后袍衣踈麓反以為綺殼就視乃笑后辭曰此繒特宜

染色故用之耳六宮莫不歎息**玉衣覆金** 魏甄后每寢寐家

中髣髴見有人持玉衣覆其上者常共恠之**縫戰士衣** 肅宗

廢后張氏駐靈武產子三日起縫戰士衣太子敕止對曰今豈

自養時耶**親為紵衣** 代宗以和政公主貧詔諸節度餉億主

一不取親紵衣諸子不敢服紵絺**三窟衣** 肅宗性節儉嘗

出衣袖示近臣曰此衣已三浣矣 柳公權嘗與六學士對便

殿文宗稱漢文帝恭儉因舉袂曰此三澣矣學士皆賀獨公權

無言帝問之對曰人主當進賢退不肖納諫諍明賞罰服澣

濯之衣此小節爾**召着黃羅** 宋明帝疾召褚彥回流涕曰吾

近危篤故召卿欲使着黃羅耳黃羅襪乳母服也**幹木褲**

江湛為吏部尚書家甚貧不營財利餉饋盈門一無所受無燕

衣餘食嘗為上所召遇澣衣稱疾經日衣成然後起**衣若不前**

王思遠出身簡潔諸客詣已者覘知衣服垢穢方便不前儀

形新楚乃與促膝雖然及去之後猶令二人交帚掃其坐處

劉慨性率儉不好聲色庭室單狀傍無姬侍冠履

十年一易朝服或至穿補**不為綵** 齊後主於苑內作貧兒

村親衣縑綌之服而行乞其間以為笑樂多令人服烏衣以相

執縛後主果為周所敗被虜妃后窮困至以賣燭為業**迎以福**

任昉為義興太守友人彭城劉溉弟洽從昉共為山澤遊

及被代登舟止有絹七疋米五石至都無衣鎮軍將軍沈約遣
裾衫迎之**華靡有識**胡復於高允館見中書侍郎李璨被服
華靡復貧老衣褐璨頗怒之復曰老子今若相脫體上袴褶衣
帽君欲作何計也譏其唯做成服璨惕然失色**百鳥毛裙**安
樂公主使尚方合百鳥毛織二裙正視為一色旁視為一色日
中為一色影中為一色而百鳥之狀皆見以其一獻韋后安
樂公主初出降益州獻卑絲碧羅籠裙縷金為花鳥細如絲髮
大如黍米眼鼻嘴甲皆備瞻視者方見之**緋衣換褐**德宗拜
陽城諫議大夫遣長安尉揚寧齎帛詣其家城褐衣到闕下
辭讓帝遣中人持緋衣衣之**綠袍木簡**楊炎道州還也家人

以綠袍木簡棄之炎止曰吾嶺上一逐吏超登上台可常哉且
有非常之福必有非常之禍安可棄是及貶還所服**解衣**
夏侯端壽春人王世充遣人以淮南郡尚書少吏部印綬名端
解衣服以贈端曰吾天子使寧汚賊官耶非持首去不可見即
焚書及衣**高梁濕衣**唐咸通末淮南李公游江舟子刺船誤
為竹篙所濺水濕近侍衣李公為之變色裴餘慶時作幕適在
坐遽獻詩云半額鵝黃金縷衣翠翹浮動玉釵垂後教水濺羅
襦濕疑是巫山行雨歸**衣冠共衣**東漢陳留尹翁歸與同郡范
史雲善二人俱貧出入共一單衣到入門外翁年長先着衣入
須臾出解典史雲衣翁衣歸**梁武帝雖衣浣衣而左右衣此**

類聚卷之八
十一

須鮮潔常有侍臣衣冠捲摺帝怒曰卿衣帶如繩欲何所縛何
敬容時為吏部尚書希帝旨常以膠清刷鬚衣裳不整伏狀懇
之或暑月背為之焦禮衣示帝劉宋徐湛之武帝長女會稽
公主之子也武帝微時貧甚有衲布衣襖比敬皇后手自作帝
既貴以此衣付公主曰後世有驕奢者以此示之及文帝欲殺
湛之主以錦囊盛衲衣擲示上曰此我母為汝父作此衲衣今
日有一頓飽飯便欲殺我兒耶遂得免併衣凍死琴操恩華
子右文子叔德子三人為友聞楚王賢而好士俱往見之至于
空柳之下衣寒糧乏自度不得俱活二人俱以思草子為賢併
衣糧與之二子遂凍餓而死鬼看生衣阮宣子論鬼袖有無

或以人死有鬼阮子獨以為無曰今見鬼者去着生時衣服若
人死有鬼衣服亦復有鬼乎衣服鬼名甚遠焚衣街齊東
昏候製四種冠五彩袍一月中二十餘出晨出三更歸夜出請
晨反梁廢東昏焚奢淫異服六十二種于御街後人號其所曰
焚衣街市衣與父吳祐為膠東相畜夫孫性盜富民錢五百
為父市單衣父恐便以單衣謁門自謝祐遂以單衣遺其父脫
青絲袍郭璞每自為卦知其凶終嘗逢一趨走來者便脫青
絲袍與之此人不解其意璞曰身命卒當在君手故逆相屬耳
及當死果此人行刑傍人皆為屬求利璞曰我嘗託之久矣此
人為之啟歛哽咽行刑阮畢乃說如此不御春衫德宗在梁

州地熟未給將士春衣左右請御衫上曰從我者冬服未易我
豈可獨衣衫乎將士聞之莫不流涕曾敝練裙 任昉四子東
里西華南容北叟俱死學墜其家聲流雉不自振西華冬月葛
帔練裙道逢刘孝標法然矜之曰我為鄉作論乃著廣絕交論
譏其舊友布龍澤 東方朔生三日而母死隣母拾而養之經
歲母忽失朔累月方歸後復去家萬里見一枯樹脫白布裳掛
樹裳化為龍因名其地為布龍澤三天袖 異苑母丘儉征沃
沮使王傾窮其東界父老女曾有破船從漢海流得布衫身如
中人但兩袖頗長三丈但衣青布 王邑為從弟竒求蔣翊女
盛服送之翊辭不取但衣青布曰受父命不敢違邑歎曰所以

北還孝夫妻共蔬食茹菜禮夫妻來輒獨餉之積久禮心疑恠
後伺掩見亦不復肯出兄弟怡怡鄉里歸德黃易穀 赤眉
亂後關中大飢黃金一斤易五升穀貧家兩穀 吳桓王時金
陵兩五穀于貧民家富民家則不用 漢宣帝時江淮饑饉人
相食天雨穀三日尋魏地奏亡穀二千頃並述 異記 割穀送絹 辛
枯周行賊境七百餘里往返四十餘日割賊穀以為軍糧皆計
頃畝送絹還直使如穀價積穀翁 韋寅善治生初除廣州宣
宗垂誠貪泉寅奏曰江淮江陵庄積穀尚七千堆固無所貪宣
宗曰此所謂積穀翁悉分賜穀 後魏韋珍遷顯武將軍郢州
刺史在州有聲績朝廷嘉之遷龍驤將軍賜驂騮二匹帛五十

五匹穀三百斛珍乃召集州內孤貧者謂之曰天子以我能綏撫卿故賜以穀帛吾何敢獨當遂以所賜悉分與之射鳥賜穀後梁有何山者其射之妙人莫能及有鳥巢於庭樹蕭管惡之謂山曰射中者賜一車穀其鳥鳴並於技上山曰脫一箭中兩請賜兩車臣無車牛願官為送管許之於是山射中其兩項管甚欣悅即令載穀送之

禾

說文禾嘉穀也以二月而種八月始熟得時之中故謂之禾此其義也 援神契德下至地則嘉禾生 呂氏

春秋飯之義者玄山之禾 淮南子后稷辟土墾草而不能使禾冬生 愛書禾稼為財田之所出愛見禾稼言財氣生 廣

壑中吾雖無德不敢以身為溝壑遂不受服善則倍 說苑趙

簡子乘幣車瘦馬衣幾羊裘其宰進諫曰車新則安馬肥則往乘疾孤白之裘溫且輕簡子曰吾非不知也吾聞之君子服善則益恭細人服善則益倨我以自備恐有細人之心賜鞭子乘

陸遜破曹休吳主集群僚大會與遜對舞解所着揮子裘賜遜賜青羔裘

成帝好蹴鞠群臣以蹴鞠為勞體非至尊所宜帝曰朕好之可擇似而不勞者奏之劉向作彈碁以獻帝大悅賜青羔裘紫絲履服以朝觀 渠搜之人服夏禹

之德獻其珍裘毛出五采光耀五色 言先 天漢三年西國王獻吉光毛裘色黃八水不濡八火不焦吉光神馬之類 淨光

采 寶曆中南粵國進浮光裘即紫海水染色也以五采織成

龍鳳綴五色真珠敬宗衣之以獵北苑為朝日所照光彩動搖

一日值暴雨而略無沾潤鸚鵡采 司馬相如初與卓文君

還成都居貧愁懣以所服鸚鵡裘就市人陽昌買酒與文君為

歡 姜肱兄弟友愛為大衾長枕 江夏孟宗少時嘗其

母作十二幅被以招賢士共卧庶聞君子之言引被覆面

王勃屬文則酣飲仍被覆面卧布被 公孫弘位在三公為布

被 後漢朱寵布被帝聞賜錦 羊續為南陽太守以清率下

唯卧一幅布袍與破則糊紙直宿無被 樂菴為郎獨宿直

臺上無被帝乃推被與之引刀中被 馮劬字仲文後母惡之

嘗因劬夜卧引刀斫之正值其起中被獲免 劬每奏事未報

伏省閣下或從昏至明天子常使小黄門持被覆之曰勿驚之

東觀漢記 **截被門外** 楊駿被誅初駿徵高士孫登遺以布被登截

被於門外大呼曰斫斫刺刺旬日託疾詐死及是其言果驗**秃**

髮 秃髮為孤祖壽蘭之在孕母胡掖氏因寢而產於被中鮮

卑謂被為秃髮因而氏焉百幅被 梁書裴之橫少好賓重氣

俠不事產業兄之高以其絕誕乃為俠被蔬食以激厲之之橫

嘆曰大丈夫富貴必作百幅被後為吳興守作百幅被以成其

志 二幅被 桓任後母酷惡常憎任為作二幅箕踵被被煖晏

起 尹曾新作被煖眠不覺晏起乃嘆煖眠使人忘記因命着

百幅被

陌上有寒苦人舉被乞之常眠布被中焚錦被高宗時豫州

獻織成羅文錦被詔於雲門外焚之陳百錢布被齊荀兒之

後臨汝侯朝羅研曰鄉蜀人樂禍貪亂一至於此對曰蜀中積

弊實非一朝百家為材不過數家有食貪亂樂禍無足多恠若

令林上有百鈞布被甌中有數升麥飯寧肯為亂乎黔恭短被

黔婁先生卒覆以布被覆頭則足見覆足則頭見曾西曰斜

其被則斂矣妻曰斜之有餘不如正之不足卧縣尹被晉光

逸孟祖為博昌小吏送客冒寒舉鉢凍濕入令被中卧令大怒

將加嚴罰逸曰若不暫溫必凍死奈何惜一被而殺一人乎令

奇之反覆錦被晉羊耽妻辛氏字憲英有才鑑耽從子祐嘗

遺錦被辛嫌其華反覆之賜絳被霍光薨賜綉被百領去官

無被范丹為萊蕪長吏官無被空囊自随夜卧蒿束孫晨

家貧為郡功曹十月無被夜卧蒿束書收之學書畫被鍾

繇學書三十年坐則畫地卧則畫被致穿苗紬被文潞公知

榆次縣題詩衙鼓置向譙樓一面搗搗多搗少不知它黃紬被

裏曉眠熟探出頭來道放衙唐司馬子徵廬天台不

出睿宗命其兄承禕就之錫寶琴霞紋被還山

靴履釋名靴本胡服也趙武靈王服之世本於則作屣

於足也齊人謂草履曰屣不借說文靴小兒履三禮圖履

下曰為單下曰履 方言絲作謂之履麻作謂之不借 釋名
僑蹻也出行著之蹻蹻輕便因以為名 又曰鞮解也解其上
則舒解也 履搭也為兩足搭以踐泥也

擊吏 後周王巖性急有吏挾私陳事自取靴履擊之**賜軍**

後周武帝平陳之後軍士有跣行者帝親脫靴賜之得其死力

血流靴 溫嶠討蘇峻參軍毛寶為箭所傷貫股徹鞍及歸營

使人發箭血流滿靴**雪至靴** 唐韋斌每朝不敢離立嘗大雪

幾至靴**抱刺史靴** 唐崔戎為華州刺史遷觀察使民擁留不

得行抱取其靴戎夜亡去**繫錢于靴** 鄭愔掌選賦汙有選人

繫百錢于靴上曰當今之選非錢不行**換婦人靴** 北齊任

城王諧為并州刺史婦人臨水浣衣有人換其靴而去婦人持

故靴詣州言之諧召城外諸嫗以靴示之諧曰有乘馬人于路

被賊劫害遺此靴焉得無親屬乎一嫗拊膺吳曰兒昨着此靴

向妻家如其語捕獲一時稱明察**仙人賣靴** 列仙傳文賓太

丘人賣靴疑為業 哺父冀州人在曲周市中補履數十年而

不老**穿角履** 東漢王遵業性恬素常着穿角履好事者毀

新履而學之**東郭履** 東郭先生履有上無下行雪中**焚王履**

昭王與吳戰楚軍走而履失行三十步旋取履王曰豈愛一

蹄履哉惡與履出而弗與入也**飛雲履** 白樂天燒丹于廬山

草堂作飛雲履玄綾為質四面以素絹作雲采染以四選香板

履則如烟霧樂天着示山中道友曰吾足下生雲計不久上升
朱府矣**孔子履**清異錄宣宗儒雅令有司效孔子履製進名
魯風鞮宰相諸王效之而微殺其式別呼為導王履彭澤履
江州刺史王弘造淵明無履弘令從人脫履以給之語左右為
彭澤作履左右請履度淵明于衆坐伸脚及履至着而不疑李
木鞋唐李泌未相時宿內院旦起有竊鞋送帝所帝曰鞋者
諧也當為弼諧事且諧矣**木履**東方朔瑣語曰木履起于魯
文公時介之推逃祿自隱抱樹而死公撫木哀嘆遂以為履每
思從亡之功輒俯視其履曰悲乎足下足下之稱亦自此始
履忘度鄭人有欲買履者先自度足而置其坐往市而忘

操之具履乃曰吾忘持度及歸取之市罷不得履人曰何不試
以足曰寧信度無自信也**織履徙越**魯人身善織履其妻
善織編而徙於越或謂之曰子必窮履飾足也而越人跣編為
冠者也而越人披髮欲不窮可得乎**江南織履**范充字子何
為桂陽太守民惰懶無履足多割裂充教作履今江南知織履
皆充之教**織履為食**陳仲字子終自齊適楚楚王欲以為相
其妻曰子織履以為食淡然而無為樂在其中矣謝便不就
漢先主少孤貧織履為業故曹公罵曰賣履會長**尚書履聲**
鄭崇哀帝擢為尚書僕射數諫諍每見曳革履上笑曰我識
鄭尚書履聲不敢脫履曾公令曰議者以祠廟當解履香

受錫命帶劍不解履上殿今有事于廟而解履是尊先公而替
王命敬父祖而簡君王也吾不敢脫履河津得履符健時
霖雨河水溢浦津監寇登得一履於河長七尺三寸內指跡長
一尺深三寸舊履佛圖澄葬後郭門吏報云師携一履
西去石季龍發其墓唯見一履與一石 達磨薙熊耳山魏宋
雲使西域迴遇師于葱嶺手携隻履雲問師曰西天去云去帝
令起棺惟一隻革履存焉舊履履靴仕州為治中當亮會
至曉不及朝化為白鵠至閣前迴翔欲下威儀以帚擲之得一
隻履靴驚還就刻內外左右莫不駭異時安陽為廣州刺史意
甚惡之便以狀聞遂至誅滅履益州道士邵碩元

徽二年忽有人去吾命終困卧而死後人見碩在荊州上明以
一隻故履縛左脚而行甚疾遂不知所之書脫履北齊
沈麟士性寬恕一日隣人認其所着履麟士曰是知履耶即脫
與跣而歸後鄰人得履送還前日履曰非卿履耶笑而受之
宋劉凝之嘗為人認其所着履笑曰僕着已敗家中取新者償
君此人後於田中得所失履送還之疑之不肯復取雙履
惠州冲虛觀有遺履軒相傳南海太守鮑靚嘗夜訪葛洪與
語達旦乃去人訝其往來之頻而不見車使人往密伺之但見
雙燕飛至網之得雙履抱香履抱香木生于水松之傍若寄
生然極柔弱不勝刀鋸乘濕時刻以為履易于削水乾則韌不

可理也履雖大而輕風至則隨飄而動

桃花履 青齊間有挑

花一種盛開時垂絲二三尺採之練以松脂滌相纏織成鞋履

綫斷不賣 東漢劉勤家貧作僑供食嘗作一量綫斷置不賣

勤出行妻賣以糴米勤歸責妻欺取其直因棄不食仕至司徒

草細爭躡 唐朱挑推結廬山中嘗織十芒僑置道上見者曰

此居士僑也為易米者置其屐輒取去終不與人接其為僑草

柔細環結促密人爭躡之

橋下據屐 鄭玄在馬鞞門下業

成辭歸融心忌之鄭玄亦疑有追乃坐橋下據屐融告左右曰

玄在土下水上而據木此必死矣遂罷逐

祖約好財阮

孚好着蠟屐同是累而未判其得失有詰約見正料物財客至

屏當桌盡餘兩小麓着背後傾身障之意未能平或有詰阮正

見蠟屐因歎曰未知一生當着幾兩屐神色閑暢于是勝負始

分木履去齒 謝靈運好山水常着木屐上山則去其前齒下

則去其後齒

齊虞玩之 為少府高帝鎮東府玩之

躡屐造席帝取屐視斷處以芒接之問曰此屐幾載曰已三十

年矣帝賜新屐不受曰舊替弊席復不可棄所以不敢當

書履 延嘉中京師長皆着木履婦女始嫁作漆畫履五色采

為系後黨事起九族俱繫婦人桎蓋木屐之像也

元康之末至太安之間江浦之城有敗僑自聚於道多或至

四五十兩人散去之投林草中明日視之悉復矣民或云見狸

履

樹丙聚之象下民疲疾將相聚為亂也
嘗夜與僚佐宴空中投一隻芒屨於敬宣盤上長三尺一寸已
經人着頃之敬宣然軍反為所害

劉敬宣

米穀門

穀

周禮三農生九穀注稷秫黍稻麻大小豆大小麥 元
王之膳食用六穀注稻黍稷粱麥瓜 以五味五穀五
藥養其病注黍稷菽麥豆 物理論粱者黍稷之總名稱者漑
種之總名菽者衆豆之總名三穀各二十種為六十蔬果之實
助穀各二十凡為百穀故詩曰播厥百穀者穀種衆種之大名
也 方言元以火乾五穀之類出自山東齊楚以牲曰熬隴冀
以牲曰原秦晉之間曰熬 周禮陳人掌九穀 月令季冬令
管人出五種命農計耦耕五種五穀種也 左傳孟秋農乃登
穀天子嘗新先薦寢廟命百官始收斂 穀梁傳一穀不升曰

歉二穀不升曰饑三穀不升曰饑四穀不升曰康五穀不升曰
大侵大侵則君食不無味臺榭不塗百官布而不制鬼神禱而
不祠 范子計然曰五穀者萬民之命國之重寶也是故無道
之君及無道之民皆不能積其盛有餘之時以待其衰不足也
書帝曰棄黎民阻饑汝后稷播時百穀 農殖嘉穀 九厥正
人既富方穀 易百穀草木稼于土 周書凡禾麥居東方黍
居南方稻居中央粟居西方菽居北方 大戴禮食氣者神明
而壽食穀者智惠而巧不食不死 師曠曰杏多實不虫者來
年秋善五木者五穀之先欲知五穀但視五木擇其木盛者來
年益種之 物理論穀氣勝元氣其人肥而不壽養性之術常

使穀氣少則病不生矣 計然曰東方多麥稻西方多麻北方
多穀中央多禾五土之宜各有高下

雨穀

建武三十一年陳留雨穀蔽地視穀形若梁而黑此夷

狄地生穀也夷狄不食穀生於草野成熟委於地遭疾風與之
俱飛風襄穀集中國中國見之謂天雨穀也 **賜穀千斛** 魏志
袁渙為魏國郎中令及卒太祖為之流涕賜穀二千斛一教以
太倉穀千斛賜郎中令家一教以垣下穀千斛與曜卿家外不
解其意教曰以太倉穀者官法也垣下穀者親舊也 **小斛量穀**
曹操嘗賦廩庫不足私謂主者曰如何主者曰以小斛量之操
曰善後軍中言欺衆操謂主者特當借汝死以厭衆不然事不

解乃取問曰行小斛盜官穀斬之軍門野穀生 建武二年

天下野穀生麻菽尤盛 **五臟穀** 李守愚侵晨井花水吞黑

豆五七粒謂之五臟穀至老視聽不衰 **中山雨穀** 孔叢子魏

王問子慎曰寡人聞昔上天神異后稷而為之下嘉穀周以遂

興往中山之地無故有穀非人所為云天雨之反以巨國何答

曰天雖至神自古及今未聞其下穀與人也詩羨后稷善種穀

以利天下所謂稷降播種農殖嘉穀其義一也若中山之穀妖

怪之事非所謂天祥也 **自然穀** 扶海洲上有草為名曰節其

實食之如大麥從七月稔熟民斂獲至冬乃訖名曰自然穀

殺餒弟 建武初穀食尚少趙孝得穀炊將熟令弟禮夫妻出

北還孝夫妻共疏食茹菜禮夫妻來輒獨餉之積久禮心疑恠

後伺掩見亦不復肯出兄弟怡怡鄉里歸德黃金易穀 赤眉

亂後關中大飢黃金一斤易五升穀 **負家四穀** 吳桓王時金

陵兩五穀于貧民家富民家則不雨 漢宣帝時江淮饑饉人

相食天雨穀三日尋魏地奏亡穀二十頃 並述異記 **割穀送餉** 羊

枯周行賊境七百餘里往返四十餘日割賊穀以為軍糧皆計

頃計送餉還直使如穀價積穀 **韋寅善治生** 初除廣州宣

宗垂誠貪泉寅奏曰江淮江陵庄積穀尚七千堆固無所貪宣

宗曰此所謂積穀勸悲分賜穀 後魏韋瑒遷顯武將軍鄆州

刺史在州有聲績朝廷嘉之遷龍驤將軍賜驂騑二匹帛五十

五匹穀三百斛玆乃召集州內貧者謂之曰天子以我能綏撫卿故賜以穀帛吾何敢獨當遂以所賜悉分與之
後梁有何山者其射之妙人莫能及有鳥巢於庭樹蕭登惡之謂山曰射中者賜一車穀其鳥雛並於枝上山曰脫一箭中兩請賜兩車臣無車牛願官為送登許之於是山射中其兩項登甚欣悅即令載穀送之

禾 說文禾嘉穀也以二月而種八月始熟得時之中故謂之禾此其義也 援神契德下至地則嘉禾生 呂氏春秋飯之美者玄山之禾 淮南子后稷辟土墾草而不能使禾冬生 夢書禾稼為財田之所出夢見禾稼言財氣生 廣

雅稻穗謂之禾 異物志交趾一歲再種 抱朴子南海晉安有九熟之稻 廣志蟬鳴稻七月熟稻有蓋下白正月種五月獲獲其莖根復生九月復熟青竿稻六月熟粟子稻白稟稻七月熟此三種大且長三枚長一寸半 說文秬稻屬也 廣志稷有烏秬黑穰又有青幽白夏之名 養生要集稻亦秬之總名也道家方藥有用稻米秬米此則是兩物也

異畝同穎 唐叔得禾異畝同穎獻諸天子王命歸周公一莖九穗 光武生濟陽縣是歲有嘉禾一莖九穗 和帝元年嘉禾生濟陰城陽一莖九穗 安帝延光三年嘉禾生九真百五六十本七百六十八穗 續搜神記廬陵人周冕世

以田作為業晉太元初秋收已過獲刈都畢明旦至田禾悉復
滿湛然如先即便更獲遂巨富**三王嘉禾**後魏許謙代人也
子洛陽為鴈門太守家田三生嘉禾皆異隴合頴**六稼**會稽
典錄謝承遷吳郡督郵歲穰嘉禾六穗生於部屬**認稻不爭**
吳鍾離牧客居未與自鰥荒田稻熟民有識認牧以稻予民縣
長欲繩以法牧為請得釋民慙懼春稻得米六十斛還牧牧不
受民輸置道傍無敢取者 晉郭翻客居臨川欲自墾荒田先
立表題經年無主乃作稻將熟有認之者悉推與之縣令聞而
詰之以稻還翻不受 續漢書承宮琅琊人嘗在蒙山中耕種
禾黍臨熟人認之宮便推與而去 漢淳于恭有盜刈恭禾者

恭見之因自伏草中盜去乃起 會稽夏香有盜刈稻者香助
收之盜者慙送以還香香不受**崑崙米** 山海經崑崙墟上
有木禾禾長五尋**稗化稻** 孫亮時交趾稗草化為稻次日稻
拾遺記東有融澤五穀多和靈稻 東極之東有和靈稻言寒
者食之則溫熱者食之則體冷**五里香** 魏文帝曰新成獲稻
上風炊之五里聞香**食生稻** 吳越春秋越復伐吳吳王敗晝
馳夜走三日三夕腹餒口饑顧得生稻而食之顧左右曰此何
名也對曰是生稻也吳王曰是公孫聖所言不得火食走億億
也**雀食稻** 宋書顧歡好學年六十七歲家貧父使田中驅雀
歡作黃雀賦而歸雀食稻過半父怒欲撻之見賦乃止**小兒偷**

類事卷之三十一
三十一

繼 齊孔琇之為吳令有小兒十歲偷割隣家稻琇之付獄按

罪曰十歲便為盜長大何所不為縣中皆震肅 **不冠割稻** 陳

伯之年十三四好著衣冠帶刀候隣里稻熟偷割之田主呵之

曰楚子莫動伯之曰君稻幸多取一擔可苦田主持執之因拔

刀而進曰楚子定何如田主反走擔稻而歸 **南史** **寫詩種稻**

北夢瑣言都會間有運大筆如椽或於稻粒上寫七言詩一絕

不識稻苗 晉簡文見田中稻苗不識問人是何草左右答曰

是稻簡文歸三日不出云寧有得其末不失其本 **龍睛稻** 續

仙傳唐謝玄卿遇神仙設龍睛稻 **詔給粳米** 後魏安同除青

冀二州刺史長子居典太倉事盜官粳米數石以養同大慈奏

求戮居自劾不能訓子太宗嘉而怒遂詔長給同粳米 **對粳悲**

粳 陳書徐孝克母欲粳米為粥不能常辦母亡孝克常啖麥

有遺粳米者孝克對而悲泣終身不食 **占必稻** 大中祥符五

年遣使福建取占城米分給江淮兩浙稻粒稍細耐水旱而成

實早始自占城國有此種真宗以珍寶求其種始植于後苑後

在處播之 **寧米** 郭子儀言寧州縣荒地十五里有黑禾掃

盡復生

黍

說文以大暑而種故謂之黍 禮記仲夏之月農乃登

黍 呂氏春秋飯之美者南海之秬秬黑黍 記勝之

書曰黍者暑也種必除暑先夏至三十日 禮記黍曰薺合

廣志有燕頤黍驢皮黍牛黍馬革黍

黍貴覆廩

韓昭侯之時黍種嘗貴甚有昭侯令人覆廩廩

吏果竊黍種而糶之唐都黍

山海經廣都之野后稷糞烏爰

有膏黍膏稷兩粟黍

宣帝元康四年長安兩黑黍粟徒黍

韓子吳起欲攻秦小亭置一石赤黍東門外令人能徙於西門外者賜之上田宅人爭徙之乃下令曰明日攻秦能先登者仕之大夫賜之上田宅於是攻之一朝而拔

粟

說文粟嘉穀實也粟之為言續也 周書神農之時天雨粟神農耕而種之 呂氏春秋飯之義者不周之粟

淮南子黃帝治天下力牧泰山稽輔之狗坑吐菽粟於道路而

無分爭之心 又曰昔者倉頡作書而天雨粟 古今注武帝

建元四年天雨粟宣帝地節三年長安兩黑粟竟寧元年南陽

山都縣兩粟色青黑味苦大者如小豆小者如麻子 春秋說

題辭粟五變以陽化生為苗秀為禾三變而發謂之粟四變入

曰米出甲五變而蒸飯可食之 曲禮獻粟者操右契獻米者

操量鼓 詩握粟出卜 何以食我粟 語雖有粟吾得而食

諸 孟米粟非不多也 廩人繼粟

辭金受粟

北郭駮見晏子託以養母晏子分倉粟府金以遺

之駮辭金受粟 債粟監河

莊周往債粟於監河侯侯曰諾我

將得邑金債子三百金可乎周忿然曰若乃言此不如早索我

枯魚之肆

受粟辭酒

孔叢子子思居貧有饋之粟者受二車

為或獻樽酒束脩子思辭焉或曰子取入粟而辭酒是辭以而

受多也子思曰彼不幸而貧將絕先人之祀所以受粟為周之

也酒脯則所飲讌也方之於食而乃飲讌非義也吾豈以為分

戒度義而行之

受粟班惠

李桓子以粟十鍾饋夫子受而班

門人之無者子貢曰季孫以夫子貧故致粟今而施人無乃乖

彼意乎子曰吾受而不辭為季孫之惠受不為富惠於一人豈

若數百人哉

鳧鴈食粟

賈誼書鄒穆公有令食鳧鴈者必以

糝無敢以粟於是倉無糝而求易於民二石粟得一石糝吏請

曰今求糝費甚請以粟食之公曰夫百姓餉牛而耕曝背而耘

勤而不敢墮者豈為鳥獸哉粟米人上食也奈何其以養鳥且

汝知小小計而不知大害

粟死金生

商君書金一兩生境內

粟十二石死於境外粟十二石生於境內金一兩死於境外國

好生金於境內則金粟兩死府庫兩虛國弱好生粟於境內金

粟兩生倉府兩實國強

獨空倉粟

秦之敗豪傑爭取金玉宣

曲任氏為倉吏獨容倉粟楚漢相距民不得耕種米至貴豪傑

金玉盡歸任氏

覆粟車覆

桂陽先賢書成丁邠人能達鳥鳴

為郡主簿與眾人俱坐聞雀鳴而笑曰東市輦粟車覆雀相呼

往食之眾人遣視信然

瓊脂粟

拾遺記東極之東有瓊脂粟

言質白如玉柔滑如膏食之盡壽不病 又曰負嶠之山名環

丘上有方湖千里多大鵲高一丈羣飛於湖際銜採不周之粟
於環丘之上粟生穠高五丈其粒皎然如玉也 又曰東極之
東有龍枝之粟言其枝屈曲似游龍食之善走 有鳳冠粟似
鳳之冠食者令人多力 有雲車粟莖赤多黃長二丈千株叢
生 有耀枝粟其枝長而弱無風自搖食之多壽 **不實盜粟**
隋李士謙家僮執盜粟者士謙曰窮困所致放之 **輸粟家仇**
伍子胥諫吳王曰非吾喪越越必喪吳今將輸之粟是秦吾讎
也 **推粟** 劉殷至孝夢西籬下有粟掘之得十五鍾名曰七
年粟賜孝子劉殷 **凶年擇粟** 墨子語禽滑釐曰凶年與
子隋侯珠又與子一鍾粟子將何擇釐曰粟可耳 **聚粟** 呂氏

春秋衛嗣君欲重稅以聚粟民弗安以告薄疑曰民甚愚矣
聚粟也將以為民也其自蔽之與在於上矣擇薄疑曰不然其
在於民而君弗知其不如在上也其在於上而民弗知其不如
在民也凡聽必及諸已審則令無不聽矣 **雨粟** 燕太子丹仰
天歎天為雨粟 呂后三年秦中天雨粟 春秋潛潭巴天雨
粟無德者與有德者不祿小人進大臣辱 京房易占天雨粟
不肖者食祿與三公易位天與稻黍者亡天雨稻大臣當誅 **中置粟**
方儲曉風角為草句長民置餘粟二石及刀鋤於田
陌上明日求亡去疑其隣家儲曰此人非偷自呼縣功曹語曰
若何取粟置家後積焚中功曹教服 **會易粟** 光武初洛陽

斗粟萬錢人死者相枕漢末大飢童謠曰大兵如市人死如林
持金易粟粟貴如金又云雖有千金黃不如我斗粟斗粟自可
飽千金何所直袁紹在冀州時滿市黃金而無一斗之粟餓死
者相食人語曰虎豹之口不如飢人永嘉之亂珠玉金銀填委
市門而無粟麥粟 晉末荊州雨粟化為虫虫害民春秋云
穀之飛為虫是也中郎王羲與表曰臣聞堯生神禾而晉有虫
粟陛下自以聖德何如也帝有慙色委粟太倉 唐書始平人
宗士眺委粟一石於太倉願以益軍國高祖嘉之賚物百段四
蠶易粟 郭元振為涼州都督涼州粟斛數登至匹蠶易粟十
斛獲陳粟 賈相在滑州境為大旱秋稼盡損賈召大將二人

謂曰今歲荒旱煩若救三軍百姓翌日當有兩駟衣縵緋所乘
馬蕃步鬣長絛巾出城者等蹤之識其所滅處則吾事諧矣二
將乃裹糧早行尋之一如賈言自市至野行二百里大塚而滅
遂壘石表誌經信而返賈大喜令數百人具備鋪與二將偕往
其所發塚獲陳粟數十斛西湯 **不知亦粟** 朱買臣貧賤之時
學學備藝不知雨之流粟志在經傳也**謝鄭粟** 列子窮有饑
色鄭子陽公官遺之粟列子再拜而辭妻拊心曰今有饑色君
過而遺先生食先生不受豈不命耶列子笑曰以人之言遺我
粟至其罪我也又且以人之言此吾所以不受也

稷

爾雅翼稷者五穀之長以其中央之穀五行土為尊故五穀稷為長 曲禮九祭宗廟稷曰明粢言粢盛者本之故諸穀因皆有粢名 山海經西南黑水之間有都廣之野后稷藝烏爰有膏粱膏稻膏黍膏稷百穀自生 呂氏春秋飯之羨者有陽山之獮稷又名為獮

豆

物理論菽者衆豆之總名 史記秦為兇時好種樹麻菽也小豆荅也豆角謂之莢其葉謂之藿也 豆神為靈趙我菽 管子桓公北伐山我我菽遍布於天下 後漢閔仲叔與周黨相友黨每過仲叔共毀菽飲水無菜茹

豆謝賊

後漢劉平嘗為餓賊所劫叩頭曰老母飢少氣力待平為命願得還飯食毋馳來就死涕泣發於肝膽賊即遣去乃撫三升豆以謝賊恩 吳志趙達善箕使人取小豆數升播之席上立知其數 國豆 石勒諱胡胡物改名名胡餅曰麻餅胡綏曰香綏胡豆曰國豆

麥

廣雅大麥麩也小麥秣也 說文麥金也金玉而生火玉而死 月令仲春行夏令則陽氣不勝麥乃不登 八月勸人種麥無或失時 詩麥采麥矣沫之北矣 丘中有麥 貽我來麩 董仲舒曰春秋他穀不書至於麥禾不成則書之以此見聖人五穀最重粟麥

晉侯欲麥

晉侯夢大厲召桑田巫巫曰不食新矣六月晉侯

欲麥使甸人獻麥饋人為之召桑田巫至而殺之將食張如廁

陷而卒**不罪盜麥** 孔文舉為北海相有遭父喪哭泣墓側色

無憔悴文舉殺之又有母病瘵息食新麥家無乃盜鄰熟麥而

進之文舉聞之特賞曰無有來討勿復盜也盜而不罪者以為

勤於母飢哭而見殺者以為形慈而實否**不聽收麥** 宓子為

單父宰齊人攻魯父老請放民獲麥宓子不聽季孫怒讓曰民

寒耕熟耘曾不得食可不哀哉宓子曰使不耕者得獲是使民

樂有寇也民有自取之心其創必數世不息季孫赧然媿曰地

若可入吾豈忍見宓子哉**漂麥** 東觀漢記高鳳南陽人妻嘗

之田曝麥於庭以竿授鳳令護雞天大雷雨鳳留意經史忽

不視麥麥隨水漂去**馬犯麥** 曹操行經麥中令士卒無敢麥

犯者死操馬騰入麥中勅主簿議罪主簿對以春秋之義罰不

加於尊操曰制法而自犯何以率下請自刑因授劍割髮以置

地賦麥 孫權嘗饗蜀使費禕禕停食麩索筆作麥賦恪亦作

磨賦咸稱善諸葛恪傳**前六為麥** 博物志有田夫至巧乃削木為

麥入市糶之糶者無疑歸磨乃覺非麥**不食麥** 後漢高式

至孝永初中蝗螟為害獨不食式麥**盜刈麥** 隋張文詡夜

有盜刈其麥者避之盜棄麥而謝文詡自誓不言因令持去童

漢桓帝時童謠曰小麥青青大麥枯誰當獲者婦與姑

丈夫何在西擊胡殷墟箕子有麥秀歌兩岐麥見大守雷

收麥見雷中打麥見神仙麥并見賻贈宿麥爾雅翼麥者

繼絕續乏之穀隔歲種故號宿麥古書夏至後七十日寒地

可種宿麥九田六道種麥為首月令謂之首種有送宿麥范

丹字史雲外黃人使兒裙麥得五斛鄉人尹臺遺之以一斛囑

兒莫道丹後知即令并送六斛言麥已雜遂誓不取麥為丹麥

王裒字偉元諸生有密為裒刈麥者裒遂棄之於是莫敢復佐

隣里分麥侯景亂時吳明徹有麥三千餘斛而隣里飢餒乃

白諸兄曰今人不圖久奈何不與隣里共此於是計口平分同

其豈儉先熟殊色開元十三年河南府壽安縣人劉懷家有

大麥六畝先熟與衆麥殊色其中有兩岐三岐四岐六岐者延

精麥延精麥言延壽益氣有昆和麥調暢六腑有輕心麥食

者體輕有淳和麥麪以釀酒一醉累月食之凌冬不寒有含露

麥穗中有露甘如飴碧麥元和八年大軫國貢碧麥形大於

中華之麥粒表裏皆碧香氣如粳米食之體輕可以禦風

米古史考神農時民食穀釋米加燒石上而食之孫卿

子曰仁義禮智之於人也譬之若貨財米粟之於家也

多有之者富少有者貧至無者窮

為親負米家語子路見孔子曰由也事二親之時常食藜藿

之實而為親負米百里之外親沒之後南遊從車百乘積粟萬

鍾謹而坐列鼎而食願欲藜藿為親買米而不可復得也索長

米 東方朔言如以臣言無可用之宜捐棄無令空索長安

之米常米亦米 第五倫性節儉作會稽郡雖為二千石卧布

被自養馬妻炊爨受俸祿常求赤米與小吏受等財留一月俸

餘皆賤糶與民饑羸者米為糶者 減洪為青州刺史為表紹

所圍糧食盡厨有米三升主簿啓進內稍以為糜粥洪歎曰吾

獨食此何味命使為薄粥與眾共歎之猶與國米 魯肅以振

窮士為務甚得邑人歡心周瑜為居巢長將數百人故過候肅

并告資糧肅家有困米各三千斛乃指一困與瑜瑜益知其奇

也遂相親結定僑札之分齊米賑給 吳全琮父柔為桂陽守

使琮賣米數千斛到吳有所市具琮至皆散空船而還父大怒

琮頓首曰愚以所市非急而士大夫方有倒懸之患故便賑贖

不及啓報父便以奇之不受米分王備冷貪之陶胡奴為烏

程今送米一船答曰王備冷饑自就謝仁祖索食不須陶胡奴

米有大辭米 齊劉懷惠為齊郡守人有餉新米一斛者懷惠

出所食麥飯示之曰食有餘幸不煩此梁張率為新

安大守遣家僮載米三千石還宅及至遂耗其半率問其故答

曰鼠雀耗率笑曰壯哉鼠雀竟不研問寄書多取 梁庾詵嘗

乘舟從山舍還載米百五十石有人寄載三十石至宅寄載者

曰君三十石我百五十石說默然不辨恣其取足不米取每

梁沈約少貧干宗黨得米數百斛為宗人所侮覆米而去及貴不以為憾

乞米帖 顏魯公乞米於李大夫帖云拙於生事舉

家食粥而已數月今又罄乏實用憂煎

采易酒 陽城嘗絕糧遣奴求米奴以米易酒醉卧于路城與弟迎之奴未醒乃負

以歸及覺痛外謝城曰寒而飲何害為

負米不傳 陳壽將為三國志謂丁梁州曰若何覓千斛米見借當為尊公作佳傳丁

不與米遂以無傳

跪泥米 任昉為新安太守為政清省吏民便之卒於官唯有枕花米二十斛無以為斂遺言不許將新安

一物還都下

載粟餉米 孔凱為司徒左長史弟道存代凱時東土大旱都邑米貴一升百錢道存載五百斛米餉之凱謂使

曰我在彼三載去官之日不轉有餘糧那能便得此米即可載

還更曰都下米貴乞於此貨之不聽

大人米 大人米粳米也大如烏豆飯香百步惟此國有王及知

法者預為

米 杜陽編元和八年大軫國貢紫米有數千巨

勝炊之一升得飯一斗食之令人鬚髮黑顏色不老久則後

天而死

通腸米 荆南孫儒之亂斗米四十千持金寶換易續

得一合一撮謂之通腸米言飢人不可食他物惟煎飲之可以

稍通腸胃

射堂 會稽有射的山遠望狀若射更故謂射的的之西有石室名之為射堂的明米賤的闇則米貴故諺云射的白斛米百射的玄斛米千

負米不與

陳人妻鶴妻事親

至孝家貧有故人至鵠使妻貸米于隣不與其妻解衣易米歸
奉客後鵠舉孝廉為京兆刑曹鄰人犯事送鵠鵠欲重案之妻
諫而輕其罪京師皆稱其賢

麻

禮記仲秋之月天子乃以犬嘗麻先薦寢廟 淮南子
三秋之月天子衣白衣乘白駱食麻與犬 爾雅翼胡

麻亦有實本生大宛一名油麻一名狗堇一名方堇淳黑者名
巨勝亦曰一葉兩莢為巨勝八莢者為巨勝必夫婦同種即生
而茂盛道家以為飯陶隱居言八穀之中胡麻最為良

飯麻

大夫李斯與鮑丘子俱事孫卿鮑丘飯麻蓬藜脩道白
屋之下李斯為秦丞相終致五刑 遺麻不食 閔仲叔與周黨

文嘗遺其生麻仲叔嘆曰我欲省煩耳受而不食

石勒

與李陽爭溫麻池相歐擊 齊高帝年二歲乳人之

乳母陳后夢人以兩甌麻粥與之覺而驚乳曰此曹足

以蔬菜

爾雅菜謂之蔬亦曰藪不熟曰饅 左傳藉藪
藻之菜可羞於王公 月令仲秋之月命有司趣

民務蓄菜

詩我有旨蓄亦以御冬 其藪伊何維筭及蒲

子曰飯蔬食飲水曲肱而枕之樂亦在其中矣 雖蔬食菜羹

必祭必齋如也 不擗薑食 宣尼窮於陳蔡之間顏回擇菜

拔園菜

公儀休為魯相食葵而美拔其園葵而棄之不與人

爭利服黃着

陸通子接與與妻俱隱蜀峨眉諸名山食菌樨

實眼黃善子俗傳以為仙**食菜厭葱** 徐無鬼見魏武侯武侯

曰先生居山林食芋栗飲葱韭**崑山蹲鴟** 卓氏曰吾聞崑山

之野有蹲鴟至死不饑乃永遠遷自**食菜羹** 後漢崔瑗愛士

好賓客盛脩肴膳彈極滋味不問餘產居常食菜羹而已**菘菜**

傷指 范宣挑菜傷指大啼曰身體髮膚不敢毀傷故啼**菜食**

老菜 齊江泌性仁孝食菜不食心以其生意唯食老菜而已

取葱為菜 梁呂僧珍封平固侯其先以取葱為業及僧珍貴

其兄子桑業求官僧珍不許曰汝等自有常分豈可妄求但當

速歸葱肆耳**為守種菜** 吳興守不飲郡井齊前自

種白苜紫苜以為常餌詎應其清春**韭秋菘** 齊周顯隱種山

王儉謂曰卿在山中何所食答曰赤米白鹽綠菜紫蓼又問何

者最佳曰春初早韭秋末晚菘**豉汁為美** 宋太宗問蘇易簡

食品何物最珍對曰豉汁為美臣憶一夕擁爐痛飲夜半吻燥

中庭月明殘雪中覆一釐盂連咀數根臣此時自謂上界仙厨

鸞脯鳳胎殆恐不及屢欲作冰壺先生傳紀其事曰猶未果耳

上笑而然之**賜菜田** 楚莊王賜虞丘子菜田三百號曰國老

以孫叔敖為令尹**拒菜奪畝** 楚文王伐鄧使王子革王子靈

共拒菜二子出菜見老丈人戴畚乞焉不與搏而棄之王聞之

拘二子將殺之丈人造軍而言曰鄧為無道故伐之今公子搏

棄吾畚無道甚於鄧君曰討有罪而橫奪非所以禁暴也恃力

唐老非所以教幼也愛子棄法非所以保國也私二子滅三行
非所以從政也謝之軍門之外 **章詵餓死** 周末鮑魚隱居
不仕或有薦之者趨而避之終日採蔬而食子貢曰今子惠其
君處其土食其蔬何志行之相違也魚遂棄其蔬而餓死 **非耕**
不食 丁密蒼梧人非家織布不衣非已耕種菜菓不食 **房恭**
為橋 袁下字叔隰廩人種菜一園左右竊取度清瀆下乃
為之橋其敦義如此 汝南鍾南嚴府君少時鄉居有八其園
竊菜者明日拔菜悉遺鄉里鄉里人相約無復取菜者食不過
菜吳隱之母喪哀毀嘗食鹹菹以其味旨撤而棄之及為廣州
清操愈勵常食不過菜及乾魚而已 **設菜菹** 宗慤以軍功封

泚陽侯先是鄉人庾業家甚富豪僕服王食與賓客相對膳必
方丈而為慤設粟飯菜菹謂客曰宗軍人慣噉庶食慤致飽而
退初無異辭至是業為慤長史帶梁郡慤待之甚厚不以昔事
為嫌 **菜園供啖** 柳元景為三公時在朝勲貴多事產業唯元
景獨無所營南岸有數十畝菜園守園人賣得錢二萬送還宅
元景怒曰我立此菜園以供家中啖耳乃復賣以取錢棄百姓
之利卽乃以錢乞守園人 **置菜園** 王界為刑部尚書性貪
法不常在公乃鬻公圃菜園收其價錢以自潤甚為時論所醜
司農鬻菜 高宗時司農欲以冬歲餘菜賣之百姓以墨勅
示僕射蘇良嗣良嗣曰昔公儀休相魯拔去園葵况臨御萬邦

而取蔬鬻菜事遂不行 **中書園蔬** 中書園蔬日給於眾官者
主事白常袞滅其數崔祐甫怒詞主事主事曰此相公之命法
甫大詬曰門下侍郎安得理中書之蔬叱左右培主事而拽之
自是與常袞不平 **見竊必隱** 沈道虔州府辟皆不就有竊園
菜者外還見之仍自逃隱待竊者去後乃出 南史 徐孝穎性仁
孝堂在園中晝卧見人盜菜徐轉身向東恐偷者見之仁
退讓皆此類也 **金菜生蔬** 始皇曰鬼谷先生言遣徐福入海
求金菜玉蔬五一寸 樓 西王母謂仙之上藥有碧海之琅
菜種論坑上 太宗回次易州界司馬陳元疇令百姓種蔬坑
上而微火煦之欲其速生以擬供進太宗聞之責其諂媚詔免

官生菜不食 尚書大傅殺君之室雖生莖菜有義之士弗食
漢張竦曰古叛逆之國潛其宮室以為汙池名曰凶墟雖生菜
蔬而民不食 **菜花佛** 熙寧中李賓客及之知潤州園中菜花
悉成荷花仍各有一佛坐于花中形如雕刻莫知其數暴乾之
其相依然或云李家奉佛故有此 **芍藥菜** 女真國多白芍藥
花皆野生者採其芽為菜以麵煎食之其味脆美 **助鼎俎** 豫
章記宋宇種蔬三十品時雨之後按行園圃曰天茁此徒助子
鼎俎露葵 顏氏家訓有蔡朗者父諱純遂呼專菜為露葵
尊末生菜名雉尾尊至八月名綠尊九月至十一月名猪尊又
曰龜尊又有石尊絲最繁諸菜之中尊為第一 **夜雨即韭** 郭

林宗有友人夜冒雨至煎韭作炊餅食之韭一名豐本麥飯葱
菜井丹字大春未嘗修刺侯人陽信侯陰就使人要之不得
已而行丹至就故為設麥飯葱葉之食以觀其意丹推去之曰
以君侯能供甘旨故來相過何其薄乎更致盛饌乃食**紫瓜**
芝田錄隋煬帝改名茄子為崑崙紫瓜**百歲羹**俗號薑為百
歲羹言至貧亦可具雖百歲可長享也 范文正公少時作薑
賦其警句云陶家甕內淹成碧綠青黃措大口中嚼出宮商角
徵蓋親嘗忍窮故得薑之妙處去**南山蕨**張翰謂顧榮曰天
下紛紛未已吾本山林人無望於時久矣宜采南山蕨飲三江
水食**破吐蛇**郝鑒出獵有甲士折一枝食之覺心中成痰後

吐出一小蛇懸屋前漸乾成殼袖錢得薑 左慈在曹操坐
以百錢置袖中得蜀薑而回諸葛菜 諸葛所止必令兵士皆
種蔓菁蜀人呼為諸葛菜**種王乳**清異錄王奕善營度不許
子弟仕宦每年止令種火田玉乳蘿蔔壺城馬面菘可致十緡
薑桂性辣秦檜使人諭晏敦復晏答曰為我謝秦公薑桂之
性到老愈辣**題書菜**黃山谷題畫菜不可使士大夫不知此
味不可使天下之民有此色 汪信民嘗言人常咬得菜根則
百事可做胡康侯問之擊節嘆賞**勸民種韭**龔遂為渤海太
守勸民令口種一樹榆百本麥五十本葱一畦**韭**秦罷難大
太官園種冬生葱韭菜如覆以屋廡晝夜點火待溫氣乃生召

信臣奏罷之**冬食生菜** 西域罽賓地溫和冬食生菜 倭國

地溫和冬夏食生菜**種菜娶婦** 孝子傳洛陽公輦水作漿魚

以給過者公補齋不取其直天神化為書生問公何不種菜曰

無種即遺數升公種之化為白璧餘皆為錢公得以娶婦**日南**

葵 列仙傳丁次都不知何許人為遼東丁氏作人丁氏常使

買葵冬得生葵問何得此葵云從日南買來**綺葱** 西王母曰

仙人上藥有玄都綺葱**葱化為韭** 姚興種葱皆化為韭其後

兵戈日甚 後周宣帝時園中葱變作韭**縮地葱** 新野趙貞

家園中葱忽一日盡縮入地後歲餘貞之兄弟自相分散服**蘿**

古言服蘿者惟高時務老今有蘿葉纂傳以為務光所作**摩芥**

生足 唐孟詵嘗入嶺表買芥置壁下忘食數日皆生**四足**

首尾能行走**蔓菁** 廣州地熱種麥則苗而不實北人將

蔓菁子就彼種者出土即變為芥**蘿菔解熱** 昔有婆羅門僧

東來見食麥麵者云此大熱何以食之及見食中有蘿菔曰賴

有此以解之耳自此相傳食麵必食蘿菔**陶子餅母嗜**

尊母沒終不味尊**懶船載尊** 河東常醜奴泛湖邊拔蒲暮宿

空舍時日暮見一女姿容極美乘船載尊至舍寄住變而為懶

茄樹二丈 南土無霜雪生物不復凋枯種茄子十年不死生

子皆羣綠摘之樹高至二丈 南中草萊經冬不衰故蔬園之

中栽種茄子宿根有二三年漸長教幹乃為大樹每夏秋熟則

...

梯樹搗之二年後樹漸老子稀即伐去別栽嫩者

類苑叢覽卷之三十八

